

4-3-8-7-AM-02 93
CLAIRE
PROBATION

DE LA NECESSAIRE
manducation de la substantielle & reale
humanité de Iesus Christ, vray Dieu &
vray homme, au S. Sacrement de l'autel.

*Par René Benoist, Angevin, Docteur regent en la
Faculté de Theologie à Paris.*

Le contenu se voit en la page suyuate.



A PARIS

Chez Nicolas Chesneau, au mont S. Hilaire,
à l'enſeigne de l'Eſcu de Froben
& du Cheſné verd.

1561.

AVEC PRIVILEGE.

SOMMAIRE DV CON- tenu en ce present traicté.

Premierement, que Iesus-Christ realement & de faict est au saint Sacrement de l'autel apres la consecration faicte par le prestre.

Que la substance du pain & du vin est conuertie en la propre substance du corps & du sang de Iesus Christ, qui est nai de la glorieuse vierge Marie, qui est mort en la Croix, & qui est ressuscite, &c.

Plus est monstree la cause pour laquelle il s'est voulu ainsi laisser, & communiquer sous les especes de pain & de vin.

Secondement est traicté du bien & grace qu'obtiennent les Chrestiens, receuant dignement ce saint Sacrement, & de l'honneur & reuerence que luy debuons porter.

Tiercement sera declare par tresexpresse parole de Dieu le mal & condemnation qu'encourent ceux qui dedaignent ce singulier don & benefice de Dieu.

EXTRAICT DES RE- gistres de Parlement.

LA Court a permis & permet à Nicolas Che-
neau libraire d'Imprimer vn liure, intitulé
Claire probazion de la necessaire manducation de la sub-
stantielle & reale humanité de Iesus-Christ vray Dieu
& vray homme, &c. & defend à tous autres de l'im-
primer, sur les peines contenues audict priuilege.
Faict en Parlement à Paris, le xxix. iour de Ian-
uier, M. D. L. X.



A TRESILLVSTRE ET

TRESNOBLE PRINCESSE, MA

Dame Loyse de Bourbon,

Reuerende Abbessé

de Fonteurault.

La grace de Iesus-Christ,

Et vie eternelle.



Ln'y a plus grande noblesse, ny plus doux plaisir (Princesse tres-religieuse) que de seruir à Dieu en droicte cognoissance, esperance & Charité. A cause dequoy, tousiours a esté affermé de tous, que seruir à Dieu, c'est e-

stre Roy. Pourquoy, ie ne puis du tout patiemment porter la trop grande ignorance & insolence de plusieurs, lesquelz pensent n'y auoir plaisir, honneur, grandeur & noblesse, qu'en ie ne sçay quelles pompes mondaines & charnelles: ne sauourant iamau les delices & voluptez spirituelles, de lesquelles nostre Dieu soustient & nourrist ceux qui de bon cueur, & sans fiction luy seruent par

A ij

EPISTRE.

vie religieuse, en esprit & verité, suyuant les instincts
 du saint Esprit, & ne se soucient des desirs de la chair,
 pour les suyure pernicieusement. Ilz deuoyent sçauoir
 & considerer que la grandeur & vraye noblesse de l'hō-
 me, est selon le tesmoignage de l'escripture, en ceste gran-
 de faueur de Dieu, par laquelle il nous a formez à son
 image & semblance, afin que le cognoissions, luy seruions
 de tout nostre cœur, & qu'il demeure en nous, pour nous
 ennoblir & enrichir : nous remplissant de toutes delices
 & plaisirs. De celz se plainct nostre Dieu au Psalmiste,
 en ces paroles : L'homme estant en honneur, grandeur &
 noblesse, ne l'a point entendu : & n'en a fait cas : pour-
 quoy il a esté fait semblable aux bestes brutes, qui peris-
 sent du tout. Bien autrement, & plus sagement vous a-
 uiez fait (Tresvertueuse Dame) quand par la grace du
 saint Esprit, n'auiez mis vostre cœur & felicité aux
 grandeurs & plaisirs transitoires de ce monde (comme
 pouuiez facilement faire) mais aux choses celestes & e-
 ternelles, ne prenant principalement plaisir qu'en Dieu,
 au seruice duquel vous vous estes du tout vouée & don-
 née, pour luy plaire & seruir toute vostre vie, en sain-
 tete de corps & ame. Quoy faisant, selon le tesmoignage
 de Iesus Christ, auiez esleu la partie meilleure & plus
 seure, pratiquant la perfection Euangelique, laissant &
 volontairement quittant pour l'amour de Iesus Christ
 vostre espoux, tous plaisirs, toutes richesses & honneurs de
 ce monde, pour auec luy porter la croix par vie austere
 & religieuse. En quoy n'auiez en rien amoindry vostre
 grandeur & noblesse (excellente Princesse) ains plustost
 luy auiez donné accroissement, estant faite de Princesse du
 monde espouse de Iesus Christ, & Roynie spirituellement,
 en domi-

en dominant & regentant voz affections, & les sacrifiant avec vostre corps, vne hostie viuante & Euangelique à Dieu eternal. Ce qu'est estre parfait, selon que demande la ley de l'Euangile & escriture sainte : en laquelle ceux là qui ainsi viuent sont souuent appelez Roys & prestres. En laquelle vocation & profession Euangelique, vous auez iusques là profité, & acquis tel degré, par la grace de Dieu, qu'à vostre exemple & imitation, non seulement grãde multitude de vierges de nobles & grandes maisons se sont du tout mancipees en corps & ame au seruice de Dieu, mais aussi tresillustres Princeesses ont du tout abandonné les delices & pompes du mode, pour plaire d'auantage à Iesus Christ, luy seruant en austerité de parfaite religion, par la mortification des desirs charnelz & oblation perpetuelle de leurs propres corps, en foy & charité. Telles sont tresillustres Princeesses & vertueuses Dames, voz nieces: Madame Renée de Bourbon, Abbesse de Chelles : & Madame Catherine de Bourbon, Abbesse de nostre Dame de Soissons. Lesquelles par leurs vertus & religieuse conuersation, à vostre exemple attirerent & retiennent au seruice de Iesus Christ grades multitudes à la gloire de Dieu, honneur tresgrand de vostre tresillustre & tresnoble maison, & splendeur de l'Eglise. Ce que certes m'a faict prendre la hardiesse (Tresvertueuse & tresreligieuse Dame) vous offrir humblement ce present liure, auquel sont contenues & aucunement proposees les consolations & delices lesquelles receyuent les Chrestiens quand avec foy, humilité & charité prennent le corps & sang de Iesus Christ au saint Sacrement de l'autel, lequel il a institue pour la nourriture spirituelle & assouuissement des desirs & plaisirs des vrais Chrestiens,

EPISTRE.

lesquelz ne souffirent & ne tendent qu'à celui pour finalement estre sauuez. Non que ie pretende aucunement (Tresreligieuse Dame) par ce moyen augmenter vostre amour & charité vers Dieu & Iesus-Christ, lequel personnellement receuons en ce saint Sacrement (car ce seroit vouloir donner chaleur au feu) mais plustost pour acquerir faueur & credit à ce present liure, par la grâdeur & authorité de vostre nom tresillustre & tresgrand, afin que par tel moyen les moins doctes & parfaictz soyent attirez, & incitez à le lire, & y faire profit comme il plaira à nostre bon dieu & pere. Auquel ie supplie de bon cœur (Tresillustre & Tresreligieuse Dame) vous laisser icy long temps, pour l'edificatiō & instruction de son Eglise, principalement en ce nostre temps calamiteux: & puis finalement vous dōner le comble parfaict de voz desirs, souhaits & plaisirs, la vie & gloire eternelle: Amen.

Escrit à Paris au College Royal de Nauarre, le 20. de
Ianuier.

1 5 6 1.

Par vostre treshumble & tresobeissant Orateur
René Benoist Angeuin, Docteur en
Theologie à Paris.

PROBATION DE LA
reale presence de Iesus-Christ.
au S. Sacrement de l'autel.



L'EXPRESSE parole de
Dieu (sur laquelle bien
entendue selon l'exposi-
tion du S. Esprit en l'E-
glise Catholique, nous
faut fonder & bastir no-
stre salut) souuent nous aduertist & se-
mond à la consideration des œuvres mi-
raculeuses & prodigieuses de nostre Dieu,
pere & Seigneur, disant: Venez, voyez &
considerez en toute humilité & reueren-
ce les faictz miraculeux que nostre Dieu.
a faictz sur la terre. Or entre tous certes,
nous n'en trouuerons vn plus admirable,
plus grand, plus à nostre profit & auanta-
ge, & plus monstrant la grande magnifi-
cence & indicible charité de nostre Dieu
& sauueur Iesus Christ, que cestuy par
lequel nous a esté tant propice, favora-
ble & amy, qu'il s'est communiqué à
nous luy-mesmes pour nostre nourriture
spirituelle au saint Sacrement de l'autel,
au quel non seulement il donne aux hom-

Il faut fonder nostre salut en la sainte escripture, exposée par l'Eglise catholique.
Vseau. 45.

La sainte sacrement de l'autel est vn grand argument de charité de Dieu vers les hommes:

DE LA MANDUCATION

*Les fruietz
du saint Sa-
crament de
l'autel.*

mes vie & Seigneurie sur les creatures sen-
sibles, comme il a faiet en l'oeuvre mira-
culeux de la creation, auquel non seule-
ment il donne moyen de iustification,
payant le pris de nostre redemption com-
me il a faiet par sa mort & passion: au-
quel non seulement sommes reconciliez
à Dieu, ayans remission de tous noz pe-
chez & collation de grace pour bien vi-
ure & resister aux tentations du diable, du
monde, & de la chair, comme est faiet au
sainct Sacrement de Baptisme: mais par
ie ne sçay quelle quasi indicible & inex-
cogitable maniere il se communique à
nous si familièrement qu'il nous change
& transmue en luy, nous faisant de char-
nelz & terrestres, spirituelz & celestes: fai-
sant que luy & nous ne sommes qu'un,
aymans & fuyans mesmes choses avec
luy, qui est le but & scope de son incar-
nation, mort, resurrection & Ascension:
comme sommes enseignez par ce qui est
escript en saint Iean chap. 17. ou il prioit
ainsi Dieu son pere: Mon pere sanctifiez
mes disciples en verité, & faietes qu'ilz
soient vn avec vous & moy, comme vous
& moy sommes vn. C'est pourquoy l'E-
glise avec les S. Docteurs appelle ce saint
Sacremēt.

94

DV CORPS DE IESVS CHRIST. 5
Sacrement, le Sacrement de dilection, le
Sacrement d'vnion, de bonne & copieuse
grace. De cest oeuvre tant admirable &
incomprehensible, auquel Iesus-Christ se
communique tant familièrement & par-
faictemēt à ses esleuz & predestinez, nous
a aduertiz long temps y a par son prophe-
te Dauid, disant ainsi: Nostre Dieu tout
puissant a proposé & fait vn memorial
& quasi chef d'oeuvre de ses grandes mer-
ueilles, donnant la nourriture & viande à
ceulx qui le craignent & aiment: laquelle
nourriture & viande, n'est certes autre
chose que luy mesmes en sa sacrée huma-
nité & chair, laquelle estant vnice à la di-
uinité, est non seulement viuante, mais
aussi viuifiante, & peut dōner la vie à tous
qui en foy, esperance & charité la pren-
dront & mangerōt soubz les sacrées espe-
ces au saint Sacrement de l'autel, lequel
il a institué selon son propos & dessein
eternel: pour ce que par le moyen de la
suscception & manducation de sa sacrée &
viuante chair en iceluy sacrement, la vie
nous soit donnée. Mais Satan ennemy ca-
pital de Iesus-Christ & de son Eglise,
voyant telle sumption de la sacrée huma-
nité de Iesus-Christ en ce saint Sacramēt

1. Cor. 10.
11. 23.
24. 25.

1. Jean. 110.

Le S. Sacre-
ment de l'au-
tel est le chef
& princi-
pal entre les
oeuvres ad-
mirables de
Dieu.

1. Cor. 10.
11. 23.
24. 25.

*Les delices
de la chair
sont cause
des heresies.*

*Homme ne
peut estre
sauué qui cõ-
temne la mā-
dication sa-
cramentale
du corps de
Iesus Christ.*

nous donner la vie, voulant selon sa cou-
stume empescher tāt qu'il pourroit d'en-
tendre & suyure les moyens ordonnez de
Dieu, pour leur salut, en ce nostre temps
fort abundant en orgueil; mondanité &
liberté charnelle, mere & nourrice d'a-
ueuglement & cecité, a destourné plu-
sieurs de la droicte foy & cognoissance
de Dieu, & des moyens par iceluy ordon-
nez pour nostre salut: & a faict iusques
là que plusieurs ne cognoissent plus Iesus-
Christ au saint Sacrement de l'autel, &
ainsi sont priuez du moyen de leur salut,
veu que selon l'ordonnance de Dieu de-
clarée par Iesus-Christ, sans la sumption
& mādication de la chair d'iceluy, hom-
me ne peut estre sauué, ni estre faict parti-
cipant du merite de sa mort & passion, nō
plus que sans le baptesme. Mais (i'ay hor-
reur y pensant seulement) leur impieté &
abomination a bien passé oultre: car il
ne leur a assez esté estre auueglez & de-
stituez de foy en eux, mais auāçant &
augmentant de plus en plus leur impieté
& erreur, ont tasché par tous moyens à
eux & à satan leur conducteur possibles,
destourner les autres du droict chemin
de leur salut & foy, profetantz propos
execrables

execrables & damnables; pleins d'iniu-
 res & blasphemes contre Dieu & Iesus-
 Christ contenu realement en ce saint Sa-
 crement: n'estans contents de ne cognoi-
 stre & reuerer le singulier benefice de
 Dieu en ce saint Sacrement. Ce qu'a fait
 que plusieurs simples, & qui semblent a-
 uoir quelque affection de faire leur salut,
 ont esté seduits n'estans pas assez fortifiez
 contre telz seducteurs, à cause de la negli-
 gence & intollerable ignorance de plu-
 sieurs pasteurs, qui n'ont aucun soing
 de leurs troupeaux, se repaissent damna-
 blement eux mesmes du lait, & vestent
 de la laine de leurs ouailles, lesquelles ne
 nourrissent de la parolle de Dieu; ny ne
 fortifient & edifient par bon exemple de
 vie: mais (chose du tout intollerable) ne
 les cognoissent aucunement; & n'en ont
 aucun soing: celà di-ie à fait que plusieurs
 ont esté seduits & ia ne cognoissent
 Iesus-Christ, ny les moyens ordonnez
 d'iceluy comme necessaires à salut, de-
 daignans demander l'absolution de leurs
 pechez aux prebstres: Aussi pareillement
 ne voulans recepuoir le corps & sang de
 Iesus-Christ au saint Sacrement de l'au-
 tel, fuiât la sainte messe, laquelle est cele-

*La negligē-
 ce, ignorance,
 & mauuai-
 se vie d'au-
 cū pasteurs
 nuist beau-
 coup à l'E-
 glise de Je-
 sus Christ.*

*ne sçissent
 comment
 s'en aller
 à l'au-
 tel.*

brée en recordation & action de graces de la mort & passion de Iesus-Christ, selon l'institution & commandement d'iceluy. Pour lesquelz charitablement & chrestien nement aduertir & empescher comme il plaira à Dieu (qui veult que tous soyent sauuez) donner par sa grace que plusieurs autres ia esbranlez par telz sedueteurs irrequiets & trop vigilans à mal faire, ne soyent peruertiz, mais demeurent en la droicte foy de l'Eglise de Iesus-Christ, ay entrepris ce present traicté, auquel (côme Dieu donnera par sa grace) sera monstré par l'expresse parole de Dieu ce qui s'ensuyt.

Premierement que Iesus-Christ realement & de faict ést au saint Sacremét de l'autel, apres la consecration faicte par le prestre ordonné en l'Eglise par l'imposition des mains des superieurs, & que la substance du pain & du vin est conuertie en la propre substance du corps & du sang de Iesus-Christ, qui est né de la glorieuse vierge Marie, qui est mort en la croix, qui est resuscité, qui ést môté au ciel, ou ést à present visible en gloire à la dextre de Dieu son pere, interpellant & priant pour nous. Aussi sera parlé de la cause, pour la quelle

*Division &
proposition
des choses
traictées en
ce liure.*

quelle il s'est voulu ainsi laisser & communiquer soubz les especes de pain & de vin.

Secondement sera parlé du bien & grace, qu'obtiennent les Chrestiens, receuant dignement ce saint Sacrement, & de l'honneur & reuerence que luy deuons porter.

Tiercement, declarerons le mal & condamnation qu'encourent ceux qui desdaignent ce singulier don & benefice de Dieu, le blasphemant & nyant, lesquelles choses nous traiterons & pourfuyurons selon l'expresse parole de Dieu, exposée & entendue, non par le sens & esprit humain (comme la prennent les heretiques & seducteurs) mais par l'esprit de Dieu auteur d'icelle escripture, laquelle il declare & expose en l'Eglise de Iesus-Christ, de laquelle il est conducteur & protecteur, ne la laissant iamais errer, mais l'enseignant toute verité pour le salut des humbles & obeis sans chrestiens.

L'Eglise catholique ne erre iamais.

Pour venir à ce qu'auons promis discuter & proposer en premier lieu: voyla ce que nous desirons que tous chrestiens entendent & croient comme necessaire pour leur salut: C'est qu'apres la conse-

*Comment
il fault en-
tendre Iesus
Christ estre
au S. Sacre-
ment de l'au-
tel.*

cracion faicte par le prestre & ministre de
l'Eglise, ayant toutes choses requises à icel-
le consecration, selon la doctrine, traditiō
& pratique de l'Eglise catholique, en ce
sainct Sacrement est realement, de faict, &
à la verité le propre corps de Iesus-Christ,
lequel a esté attaché à la croix pour nostre
reparation, & est à present visible à la dex-
tre de Dieu son pere: lequel corps de Iesus
Christ n'est point en iceluy sacrement
mort, mais viuant: non passible, mais
glorieux: non point seul, mais avec son
propre sang: lequel a esté espandu en la
croix pour la satisfaction des pechez de
tout le monde: avec son ame, à laquelle
a esté reuuy leiour de sa resurreccion, a-
vec la diuinité à laquelle a esté conioinct,
& vny personnellement au temps del'in-
carnation: en sorte qu'en la sacrée Eucha-
ristie soubz les especes de pain & de vin
prinſes ou à part ou ensemble, est Iesus-
Christ tout entierement comme il a esté
icy viuant, & selon la diuinité & selō l'hu-
manité, donnant la vie eternelle à tous qui
par foy, esperance, & charité en action
de graces & recordation de sa passion, si-
gnamment par la grace de Dieu, autant
que peult porter leur humaine infirmité,
le

le recepuront. Qui est la cause pour laquelle Iesus-Christ a institué ce saint Sacrement, ne voulant homme estre sauué sans la reception & manducation de son propre & naturel corps & sang, lequel estant viuifié par la diuinité à iceluy coniointe personnellement peult donner la vie à ceux qui dignement le reçoient. Iacoit que de foy & absolument la seule diuinité puisse viuifier noz ames, & nous sauuer. Voila ce qui nous est necessaire tenir & croire du saint Sacrement du corps & sang de Iesus-Christ. Je dis qu'il nous fault croire cela, car l'entendre ou comprendre par cognoissance, ou exterieure des sens, ou interieure par raisons & ratiocinations, est impossible. Parquoy à celle fin que ne chancellons ou fouruoyons aucunement de la droicte cognoissance de ce saint Sacrement, gardans la foy laquelle nous asseurera de la verité des choses lesquelles ne pouons comprendre, & nous fera captiuier & humilier nostre entendement à l'obeissance de Iesus-christ & de sa parole, le déffault de laquelle foy & assubiectionnement d'entendement à l'obeissance de la parole de Dieu, faict que ceulx qui errent touchant

*La foy est ne
cessaire pour
cognoistre la
verité du S.
Sacrement.*

*Les irrési-
ons blasphé-
mes contre le
S. Sacrament
de l'autel
procedent de
faute de foy.*

*Il ne fault
penser mesu-
rer les faits
de Dieu par
la capacité
de l'intelligē-
ce humaine.*

ce sacrement sont tombez en ceste cecité & malheur, qu'ilz ne veulent & ne peuvent entendre ny comprendre ce qu'outrepasse le sens & entendement humain : & ainsi n'y pouuant paruenir iugent telles choses estre impossibles; & comme estans telles les mocquent & blasphement, & ceux qui les honorent & reuerent, cherchans leur salut par le moyen d'icelles selon l'ordonnance de Dieu. C'est ce que d'iceulx a dict saint Iude: Ilz blasphemēt toutes choses saintes lesquelles ilz ignorent, eux qui sont brutaulx & charnelz. La seconde chose laquelle nous est necessaire pour nous assurer en la droite foy & persuasion de ce saint Sacrement, est que c'est Iesus-Christ qui miraculeusement opere en ce Sacrement, cōuertissant la substance du pain & du vin en son corps & sang par sa puissance infinie: par laquelle il peult plus faire que nostre entendement (lequel a vne capacité finie & determinée) ne peult entēdre ny cōprendre. C'est ce grand ouurier qui supere toute nostre science & intelligence, cōme de luy dict l'escripture, Iob 36. Voicy ce grand Dieu outrepas-
sant en ses œuvres toute nostre science & intelligence, auquel nulle chose est impos-
sible

sible comme dit l'escriture, Luc. 1. Pourquoy pensant à ses operations esmerueillables, S. Pol s'exclama & dist. O la hauteſſe des richesses de la bonté, sapience & puissance de Dieu ! Si donc nous voulons vn peu raisonner avec nous mesmes de ce S. Sacrement, & des choses miraculeuses & incomprehensibles, lesquelles sont en iceluy, ne les pouuant entendre, ne deuôs pas incôtinét dire que soyent des songes & inuentions des hommes, les blasphemant & reprenant : mais deuons penser qui est cestuy par la vertu duquel ces choses la sont faites : & sçachant que c'est Dieu, comme sommes enseignez par sa parole, ne debuons douter encore que ne les entendions, mais debuons croire fermement celà estre vray, puis que Dieu s'en messe : lequel nous croyôns tout puissant : pouuant plus faire que nôstre entendement ne pourroit comprêdre, comme sont les choses lesquelles nous disons estre articles de nostre foy : Comme, que tout l'vniuers ayt esté créé de rien : Qu'une mesme femme soit mere demeurant en integrité de sa virginité. Que Dieu soit homme, que le corps lequel est reduit en cendre & poudre y a 3000. ans se leuera luy mesmes en la resur-

*Puis que ce
est dieu tout
puissant qui
opere au S.
Sacremēt de
l'autel, ne
nous esbaïssons
si ne
pouuons com-
prendre les
misteres de
iceluy.*

*Il ne fault
plus doubter
de la verité
du corps de
Iesus-Christ
au S. Sacre-
ment de l'au-
tel que d'un
article de la
foy.*

rection, & autres semblables œuures de Dieu, lesquelles si nous croyons sans doubter aucunement (iaçoit que nous soit impossible les comprendre & entendre) pour quoy doubterons nous d'auantage de la verité du corps & sang de Iesus-Christ, au saint Sacrement de l'autel, veu qu'en auons mesmes probations & tesmoignages, que des choses precedentes? Car Iesus-Christ estre realement & à la verité tout entier en son propre corps, sang, ame & diuinité au saint Sacrement de l'autel, est prouué & enseigné par les mesmes moyens que sont les articles de la foy, c'est à sçauoir par l'escriure sainte: par l'vniuersel consentement & doctrine de l'Eglise Catholique, par la confession de tous les saintz docteurs, martyrs, cōfesseurs & esleus qui ont esté depuis la mort & passion de Iesus-Christ. Ce que nous fault monstrier, afin que comme nous ne doutons point des autres articles de la foy, encore que ne les puissions entēdre ny comprendre, semblablement soyons fermes & assurez en la foy de ce saint Sacrement, veu qu'il est prouué par mesmes tesmoigns. En la production desquelz nous donnerōs le premier lieu à la sainte escripture, de la
quelle

quelle bien entédue selon le saint Esprit
 autheur d'icelle, est autant manifeste que
 Iesus-Christ en son propre corps & sang
 est realement & de faict soubz les especes
 de pain & de vin la consecration legitime-
 ment parfaite, comme il est manifeste par
 icelle escripture que Iesus-christ est nay de
 la vierge Marie, est mort & resuscité pour
 nous. Pourquoy monstres clairement i'ap-
 pelle pour tesmoing tout homme de iuge-
 ment entier, si rien plus clair & manifeste
 scauroit estre demandé pour la cōfirmation
 de la verité du corps & sãg de Iesus-Christ
 au S. Sacrement soubz les especes sacrées,
 que ce qu'en a dict Iesus-Christ quand il a
 institué ce saint sacrement, & faict com-
 mandement & doné la puissance à ses apo-
 stres & à leurs successeurs d'ain si faire, cō-
 me nous est fidelement recité par trois euã-
 gelistes, saint Matth. 26. saint Marc 24. &
 S. Luc 22. ou est ain si escript: Ce pendant
 qu'ilz mangeoient, Iesus print du pain,
 & apres qu'il l'eut consacré & rendu gra-
 ces, il le rompit, & le donna à ses disciples
 & dist: Prenez mangez, c'est mon corps, le
 quel sera liuré pour vous. Je vous prie pen-
 sez si voudriez probation plus claire, & tes-
 moignage plus apert q̃ cestuy-la qui est de

*Il est mani-
 feste par l'ex-
 presse parole
 de Dieu que
 Iesus-christ
 est personnel-
 lement au S.
 Sacrement
 de l'autel.*

*Expresse pa-
 role de Dieu
 de la realle
 presence de
 Iesus-christ
 au S. Sacre-
 ment de l'au-
 tel.*

la parole de Dieu, proferée par la propre bouche de Iesus-christ parlant à ceulx qui le nous ont recité & laissé par escript: fait-il mention de signe ou de figure? Vous voyez que non: Car il dict, C'est mon corps: & pour monstrier que realemēt & de fait il leur bailloit son propre corps & sang, & non le signe & figure d'iceluy, il adioust, lequel sera donné & liuré pour vous. Je prie grandement tous Chrestiens ne soy laissez tromper par les faulces interpretations & expositions qui viennent des cerueaux corrompus des hommes mal entendans les escriptures, par ce qu'ilz ont perdu la foy & sont hors de l'union de l'Eglise, en laquelle seule est la vraye intelligence de l'escripture sainte. Examinons vn peu ce texte, lequel bien entendu (comme bien il se donne à entendre si ne voulons le detorquer avec trop grande violence comme font noz aucuglez figuries) monstre clairement le corps & sang de Iesus-Christ estre realement & à la verité au saint Sacrement de l'autel: & que les prebistres ont la puissance par la vertu diuine de la parole de Dieu, conuertir la substance du pain & du vin en la substance du corps & sang de Iesus-Christ, la sen-

Faute de foy fait que plusieurs errent touchant le S. Sacrement de l'autel.

tence est telle entierement prinse: Prenez & mangez, c'est mon corps lequel sera baillé & donné pour vous.

S'il est ainsi (comme il est) qu'il leur bailloit son propre corps qui debuoit estre crucifié, & il n'a point esté crucifié en figure, mais realement & à la verité a enduré en son propre corps. Qui voudra, osera, ou pourra nier qu'il ayt baillé son propre corps en la sainte cene à ses disciples? lequel corps de Iesus-Christ eux le prenant estoit sacramentellement & veritablement en la bouche de chacun d'eulx, & toutesfois luy il demouroit visible en iceluy corps en son propre lieu, comme à present quand à la messe & consecration, en laquelle par le ministère du prestre, & la puissance infinie de Dieu, par sa parole, la substance du pain & vin est conuertie au vray corps & sang de Iesus-Christ, iceluy Iesus-Christ estant demeuré en son propre corps visible au ciel à la dextre de Dieu son pere en gloire. Ceux là donc n'entendēt point, mais apertement corrompent l'escripture qui disent Iesus-Christ n'auoir baillé que le pain & vin qui estoient signes & figure de son corps & de son sang. Voila qui est tant apert, C'est mon corps, laquelle pa

Moyen de persuasion cōmet le corps de Iesus-Christ est au S. Sacramēt de l'autel luy-mesmes demeurant au ciel.

Ceux qui au S. Sacramēt de l'autel ne mettent que signe & figure corrompent l'escripture sainte.

role de Dieu encore qu'elle soit d'elle mesmes assez claire & expresse pour prouuer & persuader aux bons Chrestiens & fideles la verité du corps & sang de Iesus-Christ au S. Sacremēt de l'autel. Toutesfois pour monstrier la tant euidente ignorance en l'escripture sainte de noz aucuglez figuries, & empescher aussi que les infirmes ne soyent seduietz par iceux, nous exposerons ceste sentēce par l'escripture sainte, laquelle exposition ne scauroient reietter filz veulent receuoir les escriptures saintes. Que donc quand Iesus-Christ dist c'est mon corps, n'ait point voulu parler de quelque signe ou figure de son corps, mais de la verité d'iceluy, il est manifeste par ce qu'il en auoit ia dict & promis, cōme est escript en saint Iehan 6. ou enseignant qu'il fault de necessité que soyons nourris d'un pain celeste, qui est son propre corps ioinct à la diuinité, & ainsi peult dōner la vie, apres en auoir lōguemēt disputé: assez difficilement il se declare & explique comme s'ensuit: Je suis le pain vif qui suis descendu du ciel: si aucun mange de ce pain, il viura eternellement: & le pain lequel ie dōneray c'est ma chair laquelle ie dōneray pour la vie du monde, & ie vous prie
 penser

*Exposition
 d'un lieu de
 l'escripture
 par l'autre.*

penſer ſi ce lieu ne donne pas la vraye intelligence de l'autre? Voila comment il promet donner à ſes eſleus pour les faire viure eternellement, le pain viſ qui eſt deſcendu du ciel, lequel il expoſe eſtre ſa chair & ſon corps, lequel ſera crucifié pour acquerir remiſſion & vie aux hommes & en l'autre il fait ce queicy il promet: diſant: prenez & mangez c'eſt mon corps, lequel ſera donné & liuré pour vous. Voyla vne belle armonie & conſonance des textes expres de la parole de dieu, pour la confirmation & teſmoignage manifeſte de la verité du propre corps & ſang de Ieſus-Chriſt au ſainct Sacrement de l'autel. Ce qu'eſt encore autant ou plus clairement déclaré au ſuſdict chapitre de ſainct Iean, ou Ieſus-Chriſt voyant les Iuiſz eſtriers entre eux diſans, Comment nous peut ceſtuy cy donner ſa chair à manger? comme à preſent pluſieurs ayans bien petite foy & ainſi chancelans & doubtans de la verité de ce ſainct Sacrement, il leur diſt: En verité en verité ie vous diſ, ſi vo^s ne mangez la chair du filz de l'homme, & ne buuez ſon ſang vous n'aurez point la vie en vous. Qui mange ma chair & boit mon ſang il a la vie eternelle, & ie le reſſuſciteray au

Iean 6.

*Expres
probatiōs du
propre corps
de Iesus-
Christ au S.
Sacremēt de
l'autel.*

*Tesmoigna-
ge de S. Pol
de la verité
de Iesus-
Christ au S.
Sacremēt
de l'autel.*

dernier iour : car ma chair est vrayement viande, & mon sang est vrayement bruuage. Qui mange ma chair & boit mō sang, il demeure en moy & moy en luy. Comment le pere viuāt m'a enuoyé, aussi ie vis à cause de mon pere. & celuy qui me mange viura aussi à cause de moy. C'est cy le pain qui est descēdu du ciel. Ie ne sçauois pas qui pourroit contenter ceulx qui ne seroient contens & satisfaits pour aperte probation de la verité du corps & sang de Iesus-christ au S. Sacrement de l'autel, des lieux alleguez tant formels & expres pour probation de nostre propos. Ceux qui voudront en voir d'auantage lisent S. Pol en la 1. aux Corinthiens 10. & 11. chap. ou apertemēt il diēt, Iesus-Christ auoir baillé réellement & de fait son corps & son sang à ses disciples, & aussi leur auoir donné la puissance de consacrer son corps & sang, & le distribuer aux croyās pour leur nourriture spirituelle. Les paroles de l'Apostre sont telles : Le calice le quel nous consacrons & benissons, n'est-ce pas la communicatiō du sang de Iesus-Christ? & le pain le quel nous rompons n'est ce pas la communicatiō du corps de Iesus-Christ? Voulant conclure que ouy. Parquoy au xj. chap.

chap. il dict ainsi: Quiconque mangera de ce pain & boira le calice du Seigneur indignement, il sera coupable du corps & du sang du Seigneur: pourtant que l'homme s'esproue soy-mesmes, & ainsi mange de ce pain & boive de ce calice: Car qui en mange & boit indignement, il boit & mange son iugement, ne discernant point le corps du Seigneur: c'est à dire, n'en faisant cas plus, que d'une autre viande & nourriture: comme font au iourd'huy noz Sacramentaires & aueuglez figuriers. Voyla ce me semble la parole de Dieu assez expresse pour la confirmatiō de la verité du corps & sang de Iesus-Christ en la sainte Eucharistie soubz les especes de pain & vin: non seulement celles qui ont esté baillées par luy à ses disciples, mais aussi celles qu'iceux ont depuis baillées & les autres pasteurs, auquelz Iesus-Christ dict & commande faire ce qu'il auoit faict, qui est consacrer son corps & sang, & le bailler aux autres. Mais ie n'ignore auoir esté & encore estre de nostre temps quelques vns iusques là plomez en toute ignorance & impieté qu'ilz osent, nonobstant la parole de Dieu tant expresse pour la verité de la chair & du sang de Iesus-Christ en ce S.

*Ceux la font
biē loing de
la verité qui
ne veulent re-
cevoir les tes-
moignages
de l'escriptu-
re.*

Sacrement, affermer Iesus-Christ n'estre
realement & en la verité de son corps au
Sacrement; mais seulement en figure & en
signification par assistance en ce saint Sa-
crement donnât sa grace. Lesquelz qui est
ce qui pourra enseigner reduire à la verité
de l'Euangile, veu qu'ilz ne veulent rece-
voir l'escripture sainte? Car d'entre eulx
les vns ne font aucun cas de l'escripture
sainte, ayans pour la reigle de leur vie ce
qu'est plaisant à leur chair seulement, les-
quelz, certes, doiuent plustost estre dictz
libertins, & atheistes qu'heretiques: les au-
tres font semblant de recevoir, & reue-
rer les saintes escriptures, mais ilz les veu-
lent exposer à leur sens & fantasies, les-
quelz si nous voulons bien considerer, ne
reçoient rien moins que l'escripture sain-
te: car icelle n'est pas en la lettre & escor-
ce, laquelle occit & fait mourir, mais en
l'esprit lequel viuifie. Ouy, mais ilz en di-
sent autant de nous cōme en disons d'eux:
affermans qu'ils ont & practiquent l'escri-
pture en sa vraye & spirituelle intelligen-
ce, & qu'au contraire nous nous arrestons
seulement aux choses exterieures, lesquel-
les ne peuēt iustifier, sans que iamais par-
uenions aux spirituelles.

Toute la difficulté d'oc d'entre les Chre-
 tiens & les heretiques, est de l'exposition
 de l'escripture sainte, laquelle autrement
 expose le Chrestien, autrement l'heretique.
 Pour exemple soit ceste sentence de l'escr-
 pture sainte, de laquelle auons parlé au
 parauant, c'est assauoir, Prenez, & man-
 gez, celá est mon corps: laquelle sentence
 ainsi expose le Chrestien, suivant le droit
 fil de ladicte escripture. Ce que le vo^e bail-
 le n'est pas seulement vne figure ou signi-
 fication de mon corps, mais c'est à la verité
 mon corps. Au contraire l'heretique l'ex-
 pose de la figure seulemēt, disant ainsi, cela
 est mon corps, c'est à dire la figure & re-
 presentation de mon vray corps. Voyla
 vn mesme texte receu de tous pour sainte
 escripture, (comme à la verité il est) mais
 exposé & prins en sens contraires & repu-
 gnans, ce qui faiēt, certes, que plusieurs
 (trop legiers ie le confesse) tombent de la
 constance & fermeté de leur foy, doub-
 tans de la verité du corps de Iesus-Christ
 au saint Sacrement, pour lesquelz tran-
 quiller en leur esprit & constance, & ren-
 dre constans en la verité de leur foy, fault
 declarer comment nous sçaurons l'escr-
 pture sainte estre bien exposée, & selon

*Les Chre-
 tiens & les
 heretiques
 sont princi-
 palement dis-
 serés en l'ex-
 position de
 l'escripture
 sainte.*

*Regle pour
cognoistre la
vraye expo-
sition de l'e-
scripture
saincte.*

l'intention du saint Esprit Ce qu'est (cō-
me tresbien atteste saint Augustin, par-
lant de la doctrine Chrestienne) quand
telle expositiō est receüe par l'Eglise vni-
uerselle, & est confirmée en icelle par pra-
ctique & coustume Ecclesiastique. Car
la seule Eglise nous est donnée de Dieu,
afin que d'icelle prenions la reigle de no-
stre foy, & en icelle demeurions comme
estans la regle de la doctrine, laquelle tous
Chrestiens doiuent tenir & practiquer.
Quād ie parle ainsi de l'Eglise, ie ne veulx
que personne se trompe, attribuant telles
choses à l'Eglise des malings scismatiques
& heretiques, ou bien à quelque Eglise &
congregation des Chrestiens particuliere:
car cela doibt estre entēdu de la seule Egli-
se catholique & vniuerselle, qui est l'es-
pouse de Iesus-Christ, lequel l'a consti-
tuée le pilier & fermeté de verité, ne la per-
mettant errer aucunement, mais l'ensei-
gnant continuellement tout ce qui est de
verité necessaire au salut des hommes, par
le saint Esprit sanctificateur & directeur
d'icelle, selon les veritables promesses de
Iesus-Christ.

Si donc il se trouue difficulté en l'expo-
sition de quelque passage de l'escripture
saincte,

faincte, à qui aurons recours pour bien saine-
 nement l'entendre? sera ce à quelque hom-
 me en particulier pour preferer son expo-
 sition à toutes autres, & fonder nostre sa-
 lut sur icelle, contemnant & reiettant cel-
 le de l'Eglise vniuerselle? la n'aduiéne: car
 nostre Dieu n'a point promis infallibilité
 à quelqu'un en particulier pour n'estre
 iamais trompé: mais bien à son Eglise en
 general: de laquelle il a dict, que quicôn-
 que ne l'oyt, & ne reçoit ses expositions,
 doit estre iugé infidelle, & non estant du
 corps de Iesus-Christ. Il appartient donc
 selon l'ordonnance de Dieu, à la seule E-
 glise Catholique discerner les escriptures
 saintes, d'auec celles qui ne le sont pas, &
 proposer les vnes comme canoniques &
 vraies, & reiecter les autres, comme non
 certaines & canoniques: aussi il appartient
 à icelle seule Eglise vniuerselle approuuer
 & bailler l'expositiō certaine d'icelle escri-
 pture, par ce qu'elle a tousiours enseigne-
 ment du saint Esprit, sans lequel l'escr-
 ipture sainte ne peut estre sainement ex-
 posée comme par luy seul nous est baillée
 & communiquée. Si donc pour retourner
 à nostre propos, l'Eglise Catholique (la-
 quelle ne peut errer, & laquelle Iesus-

*Il faut auoir
 recours à l'E-
 glise pour
 bien entendre
 l'escripture
 sainte.*

*Le seul S.
 Esprit est
 auteur de
 l'escripture
 sainte, &
 vraye expo-
 sition d'icelle.*

Christ veult que suiuiions, & nul autre luy
 contrédifant) expose & a tousiours expo-
 sé & practiqué ceste escripture (Cela est
 mon corps) de la verité de la chair & du
 sang de Iesus-Christ, fault il qu'aucune-
 ment en doubtions, & soyons vacillans en
 nostre foy, oyant quelque heretique &
 Antechrist, ministre de Satan, disant le cō-
 traire? Ou est la constance laquelle demā-
 de Iesus-Christ qu'ayons en sa foy & reli-
 gion? ne sçaez vous pas que c'est la cou-
 stume de nostre Dieu permettre que les
 heretiques s'esleuent afin que les bons &
 fermes Chrestiens soyent manifestez? n'e-
 stes vous pas assez enseigez par l'escriure
 que Dieu permet les faulx prophetes,
 faulx predicateurs & faux escriuans courir
 en son peuple, pour nous tenter si nous
 l'aymons de tout nostre cueur, ne laissant
 iamais sa foy, & ne doubans aucunement
 de la verité de ses promesses, quelque cho-
 se qui s'esleue au contraire? Serons nous
 donc tant legiers & mal aprins, & peu mu-
 niz de la constance, laquelle demande no-
 stre Dieu en nous, que pour l'opinion la-
 quelle nous aurons conceüe du sçauoir,
 ou de la bonté de quelque particulier, pre-
 ferant son sens priué à l'Eglise, nous
 adherions

*Dieu per-
 met les here-
 sies, pour la
 probation de
 ses esleuz.*

adherions à luy:laissant la reigle de verité
& de doctrine salutaire, pour suiure les
taues puantes des Cisternes des inuentions
d'un homme corrompu, lequel ne peult
comprendre les misteres de nostre foy, ny
les œuures emerueillables de la puissance
de Dieu? ia n'aduienne que nous nous ou-
blions iusques lá. Cela soyt donc tout cer-
tain & resolu entre les Chrestiens, qu'il
fault suiure l'Eglise, pour entendre la ve-
rité, & non quelconque particulier con-
traire à icelle Eglise: quelque apparence
de sçauoir ou de bonté qu'il puisse auoir.
Je diray oultre (pour appaiser les con-
sciences de plusieurs ebranlez par les he-
retiques) & affermeray nostre Dieu vou-
loir iusques lá que suiuiions son espouse
l'Eglise, laquelle ne permet iamais errer,
q̃ si l'estoit possible qu'icelle Eglise errast
(ce qu'est du tout impossible, supposée la
promesse & assistance de Dieu) & que quel-
que particulier affermast la verité contrai-
re à l'erreur qui seroit en icelle Eglise,
l'homme fidelle seroit excusé deuant Dieu
suyuant tel erreur de l'Eglise, de l'obeissan-
ce à laquelle il a receu commandement de
Dieu: au contraire il pecheroit laissant

*Il ne fault
preferer l'o-
pinion d'un
homme pri-
ué, tant do-
cte, ou ver-
tueux soit
il, à la sen-
tence de l'E-
glise vniuer-
selle.*

*Si l'estoit
possible que
l'Eglise vni-
uerselle er-
rast, il seroit
excusé de
Dieu qui la
suyuroit en
tel erreur.*

l'Eglise vniuerselle, pour suyure vn particulier, encores qu'il dist la verité, Car le commandement de Dieu est de ouyr & suyure l'Eglise; & fuyr toutes choses contraires à icelle. Que personne donc ne se trompe soymesmes, chancelant en la foy de l'Eglise pour les arguments & apparece des heretiques contre icelle Eglise, & la doctrine qui est en icelle. mais demeurons tous fermes en cela. L'Eglise vniuerselle tient telle doctrine comme necessaire à salut. Fust donc vn ange du ciel qui me dist

*Pour rien il
ne fault lais-
ser a foy de
l'Eglise.*

le contraire, ie ne le croyray. Pourquoi? Car i'ay commandement de Iesus-Christ, lequel ne peult mentir, de suiure son Eglise, comme reigle infallible, & luy obeir. Puis donc que l'Eglise expose l'escripture prediète de la verité du corps & du sang de Iesus-Christ, demeurons là fermes, ne nous ebranlant pour quelque chose qui puisse estre dicté au contraire: estans assurez que quiconque dira le contraire, n'est de Dieu, ny ne parle selon la sainte escripture, n'ó par le saint Esprit: mais est Antechrist & ministre de Satan. Or la sentence de l'Eglise vniuerselle touchant la verité de la chair & du sang de Iesus-Christ en ce saint Sacremēt, est souuent baillée,

*Qui dist cõ-
tre l'exposi-
tiõ de l'Egli-
se est mini-
stre de satã.*

comme

Comme auons es conciles d'Ephese & La-
 tran: ou ainſi l'Egliſe vniuerſelle a conclud^{Cocile de La}
 & enſigné: Il n'y a qu'une Eglise vniuer-^{trā. chap. 1.}
 ſelle, hors laquelle eſt impoſſible que quel
 qu'un ſoit ſauué: en laquelle vn meſme eſt
 ſacrificateur & le ſacrifice: qui eſt Ieſus-
 Chriſt: le corps & ſang duquel ſont reale-
 ment contenuz au ſainct Sacremēt de l'au-
 tel ſoubs les eſpeces de pain & de vin: leſ-
 quelz pain & vin, par la puiſſance de Dieu
 ſont conuertiz & tranſſubſtantiez au vray
 corps & ſang de Ieſus-Chriſt. Qui ſera (ie
 vous pry que chacun regarde à ſoy; & ne
 vueille croire à tout eſprit) donc tant a-
 ueuglé & obſtiné qui nie à preſent la veri-
 té du corps & ſang de Ieſus-Chriſt au
 ſainct Sacrement, veu que l'exprefſe paro-
 le de Dieu expoſée par l'Egliſe vniuerſel-
 le eſt tant formelle & aperte pour mon-
 ſtrer & conclure cela? Voyla donc deſia
 prouué clairement par l'exprefſe parole
 de Dieu, & par la foy & doctrine de l'E-
 gliſe vniuerſelle dirigée par le ſainct Eſprit,
 qu'entierement Ieſus-Chriſt en ſa chair,
 en ſon ſang, ſon ame, & ſa diuinité eſt ve-
 ritablement contenu au ſainct Sacrement
 de l'autel. Auquel apres la conſecration
 parfaite n'y demeure ni la ſubſtance du

*Notez ceſte
 doctrine du
 S. Sacremēt
 de l'autel.*

*Dieu se ca-
che aux hō-
mes icy vi-
uants pour
l'exercice de
leur foy.*

pain, ny la substācedu vin: mais seulement les especes, soubz lesquelles est cachée la vraye humanité de Iesus-Christ, sans estre veüe: comme luy icy viuant, sa diuinité estoit cachée soubz icelle humanité: laquelle est reallement en ce saint Sacremēt pour nous donner la vie, selon l'ordonnance de nostre Dieu. Voyla l'ancienne foy de l'Eglise, selon laquelle ont vescu, & en laquelle sont morts & sauuez tous les saintz martyrs, confesseurs, & docteurs: les tesmoignages desquelz (qui sont comme instruments & probations publiques & authentiques de ce qui se faisoit, & estoit tenu pour necessaire à salut en leur temps) i'ay bien voulu icy enregistrer, en partie pour entendre par iceux les grands benefices lesquelz nostre Dieu nous donne par le moyen de ce saint Sacrement: partie aussi pour monstrier que ceux qui osent affermer le corps de Iesus-Christ n'estre reallement en ce saint Sacrement, sont ignorans, auuglez, & temeraires, contreuenans apertement à la doctrine salutaire donnée à l'Eglise par le saint Esprit: en laquelle ont vescu tous les saints: la vie & doctrine desquelz Dieu a approuuée par œuures miraculeuses. Ce

que

que n'a iamais faict vers ceulx qui leur
 sont contraires. Parquoy il est manifeste
 que sont abuseurs & antechristz, ministres
 de Satan, s'opposans à Iesus-Christ & au
 saint Esprit directeur de l'Eglise. Le pre-
 mier tesmoignage sera de la confession de
 saint André Apostre de Iesus-Christ, le-
 quel quand on vouloit faire sacrifier aux
 idoles, respondit ainsi à Ægeas Lieutenant:
 Le sacrifice chacun iour au Dieu tout puis-
 sant, qui est vray & viuant: non la chair
 des taureaux, ny le sang des boucs: mais
 ie sacrifice l'aigneau immaculé, en l'autel de
 la croix immolé: la chair duquel apres que
 toute la multitude aura magée, & beu son
 sang, l'aigneau qui est sacrifié demeure en-
 tier & viuant, iacoit que veritablemēt soit
 sacrifié, & veritablement sa chair soit mā-
 gée, & son sang beu du peuple. Saint
 Marcial l'un des 72. disciples en a autant
 escript à l'Eglise & chapitre de Bourde-
 aux, duquel voyla les paroles. Non seule-
 ment en l'autel de la croix, mais en tout
 lieu l'oblation munde & sainte est of-
 ferte à Dieu, comme Iesus-Christ (du-
 quel nous offrons & sacrifions le corps
 & sang, pour auoir la vie eternelle) a tes-
 tifié disant ainsi: Dieu est esprit, par

*Les prestres
 & diacres
 d'Achaie
 au liure ou
 ilz recitent
 la passion de
 saint An-
 dri.*

*S. Marcial
 au 3. c. de l'e-
 pistre laquel
 le il a escri-
 pte à ceux
 de Bourde-
 aux.*

quoy il fault que ceux qui l'adorent, l'adorent en esprit & verité. Car luy ayant vn corps lequel estoit immaculé, & sans péché (car il estoit cōceu du saint Esprit, & nay de lavierge Marie) l'a permise estre sacrifié en l'autel de la croix. Mais comme les Iuifz par enuie l'ont faict mourir en la croix, péfians par ce moyē abolir son nom: ainsi nous, pour nostre salut nous le proposons au saint autel: sçachants & estants asseurez, que nous n'auons point d'autre moyen pour auoir la vie eternelle, & euitter la mort. Pourquoy luy-mesmes nous a faict commandement de l'offrir & recevoir en recommandation & memoire de luy, Saint Denis Arcopagite disciple de saint Pol monstre la verité & necessité de la manducation du corps de Iesus-Christ, disant: Apres le baptesme receu, l'Euesque reçoit le baptisé à la sacrée Eucharistie, & luy baille la deifique communion par la sumption du saint Sacrement, le consommāt & rédant parfaict. Le mesme auteur: Considere cela avec reuerence, que quand au saint autel, sont mis les venerables signes, par lesquelz Iesus-Christ est sanctifié & prins, là est incōtinēt vne descriptiō des saints, laquelle signifie & demonstre vne conionction

*S. Denis disci-
ple de S.
Pol, & pre-
mier Eues-
que de Paris
au seiōd cha-
pitre de la
Hierarchie
Ecclesiasti-
que.
Au mesme
liure troisie-
me partie du
chap. 3. 1.*

conjonction indissoluble, & vne vnion
 tressaincte & tresgrande aveciceluy. Voy-
 la publiques tesmoignages, tant des apo-
 stres & disciples de Iesus-Christ, que de
 leurs disciples qui estoient de leur temps,
 comme l'Eglise de Dieu a tousiours eu la
 foy de la verité du corps & sang de Iesus-
 Christ au S. Sacrement de l'autel. Voyons
 le tesmoignage de saint Irenée Archeuef-
 que de Lion, lequel parle ainsi de ce saint
 Sacrement institué par Iesus-Christ. Il a
 prins (parlant de Iesus-Christ) le pain ma-
 teriel, & l'a consacré, & a dict: Voyla mon
 corps, & semblablement le calice & bru-
 uage materiel, lequel apres la benediction
 & consecration a confessé estre son sang,
 & a enseigné vne nouvelle oblation pour
 le temps du nouveau testament: laquelle
 l'Eglise recepuant des apostres l'offre à
 Dieu par tout le monde. De laquelle obla-
 tion auoit parlé le prophete Malachie en
 sa prophetie, disant ainsi: Depuis l'orient
 iusques en l'occident, mon nom est grand
 entre les gens & natiós: & en tout lieu vne
 oblation munde & sainte m'est offert. Le
 mesme autheur: Le Chrestien est nourri
 du calice qui est le sang de Iesus-Christ &
 du pain qui est le corps d'iceluy. Tertul-

*S. Irenée li-
 ure quart cõ-
 tre les here-
 sies c. 3.*

*Malachie
 c. 1.*

*Irenée liure
 5. contre les
 heresies.*

*Tertuliā au
liure de la re
surrectiō de
la chair.*

*Origene ho-
melie 7. sur
le liure des
Nombres.*

*L'histoire de
S. Laurens.*

*S. Cyprian
escriuant au
Pape Corne-
lius parlant
des excellē-
tes ouures
de Iesus-
Christ.*

lian l'an 200. L'homme reçoit & mange le corps & boit le sang de Iesus-Christ pour & à celle fin que son ame soit engressée & parfaicte par la diuinité ioincte à l'humanité d'iceluy Iesus-Christ. Au vieil temps la manne a esté la nourriture en enigme & figure, mais à present au téps del'Euangile la chair du verbe & filz de Dieu est realement en sa propre especel la vraye viande & nourriture, comme luy-mesmes l'a testifié, disant: Ma chair à la verité est la viande, & mon sang est à la verité le bruuage. Sainct Laurés disoit à sainct Sixte Pape, lequel on menoit au supplice: Maistre & sacrificateur excellent, ou allez vous sans vostre ministre? Vous n'avez iamais offert le sainct sacrifice sans ministre, esprouuez si vous m'avez esleu ministre idoyne, quand m'avez baillé la dispensation & distribution du sang de nostre seigneur. Sainct Cyprian. Le pain lequel Iesus-christ bailloit à ses disciples, a esté faict chair par l'infinité puissance de la parole de Dieu, n'estant point changé par figure & effigie, mais à la verité & realement, & comme en la personne de Iesus-Christ l'humanité estoit veuë, & la diuinité n'apparoiſſoit: ainsi en ce visible Sacrement l'essence

l'essence diuine se communique par vne maniere laquelle ne scauriôs declarer: non pas qu'en ce Sacrement par icelle communication de l'humanité & diuinité de Iesus-Christ, nous paruenions iusques là d'estre faictz d'une mesme substance avec Iesus-Christ, mais iusques à vne société & conionction tresproche. Car le seul filz est d'une mesme substâce avec le pere, laquelle substance ne peut estre diuisée, ne donnée à autres qu'aux trois personnes de la S. Trinité. Dóc la conionction & vnion par laquelle sommes ioinctz à Iesus-Christ par ce saint Sacrement, ne confond les personnes, ny ne vnist les substances, mais cōioinct les affections & cōfedere les volontez. Ainsi l'Eglise estant faicte le corps de Iesus-Christ, obeist à son chef, ayment mesmes choses avec luy par vne participation de son saint Esprit. Le mesme auteur. Si quelqu'un offre le vin seulement, alors le sang de Iesus-Christ sera separé d'avec iceluy. Saint Athanase. Le sang lequel est contenu dedans le calice, c'est le mesme qui est coulé & sorti du costé de Iesus-Christ, estant en la croix, duquel sommes faictz participans en le receuant: C'est à dire que par la sumption d'iceluy

*Le mesme
auteur au
mesme lieu.*

*S. Athana
se sur la pre
miere Epi
stre de S. Pol
aux Corin
thiens.*

*Le mesme
lieu.*

sommes conioinctz à Iesus-Christ. Le mesme
me autheur: Comme les Iuifz apres auoir
passé la mer, ont mangé la manne & beu
l'eau sortant de la pierre frappée: ainsi
nous apres que nous sommes baptisez, nous
mangeons la chair de Iesus-Christ, & bu-
uons son sang. Voyla tesmoignages bié ex-
pres de la verité du corps & sang de Iesus-
Christ au S. Sacrement de l'autel. Voyons
encore d'autres. Car graces à Dieu no^r n'en
auons faite en telle matiere, laquelle est
tât claire qu'il me feroit mettre temps
à prouuer vne chose tant manifeste, n'e-
stoit que suis contrainct, pour confirmer
les simples Chrestiens, lesquels n'ayans
leu les escripts des anciens & doctes per-
sonnes, & n'estans bien enseignez par leurs
pasteurs, sont ebranlez, oyans les raisons
apparentes, & cauillations des astus hereti-
ques & abuseurs de nostre temps, & ainsi
aucuns d'iceux sont gaignez & detournez
de leur droicte foy, & les autres ne sça-
uent quasi qu'ilz doiuent faire tant sont
fluctuans & chancelans de tous costez.
Voyons donc les tesmoignages des autres
capitaines premiers de l'Eglise de Iesus
Christ, lesquels sont approuuez de Dieu,
& sauuez, afin que les suyuiens, & croyôs
mesmes

*Tous les an-
ciens ont creu
la presence
personnelle
& corporel-
le de Iesus-
Christ au S.
Sacrement
de l'autel.*

mesmes choses avec eux, pour estre sau-
uez aussi avec iceux. Sainct Eusebius Emi-
sen⁹ : L'auctorité diuine assure qu'au S. Sa-
crement de l'autel, la chair de Iesus-Christ
est à la verité la viande, & le sang d'i-
celuy est le bruuage. Donc toute ambi-
guité & controuerie soit tollue, veu que
celuy qui est aucteur du don, est tesmoing
de la verité. Car le prestre & sacrificateur
inuisible Iesus-Christ, secretement par l'in-
finie puissance de sa parole, conuertist les
creatures visibles en la substance de son
corps & de son sang, côme par la mesme
parole a crée tout l'vniuers de rien. Donc
quand tu montes au venerable autel pour
estre nourri des viandes spirituelles, re-
garde & contemple par la foy le sacré
corps & sang de ton Dieu: honore-le avec
admiration de sa grandeur & bonté, tou-
che-le de ton esprit, prens-le de la main de
ton cueur, & principalement engloutis &
auals le tout entier en ton esprit interieu-
rement. Sainct Hylaïre: C'est temerité &
impieté à nous si voulons dire de la verité
de Iesus-Christ avec nous, autrement que
ce qu'il nous en apprend. Car luy-mesmes
dict: Ma chair à la verité est la viande, & mô
sang est à la verité le bruuage. Qui mange

*Voyez Eu-
sebeemissene
de la cōsēra-
tion, dist. 2.*

*Il fault croi-
re simplement
Iesus christ
estre reale-
ment au S.
sacremēt de
l'autel.*

*S. Hylaïre
aucteur 8. de
la sainte
Trinité.*

S. Iean 6. c.

ma chair, & qui boit mô sang, il demeure en moy & moy en luy. Il n'y a donc aucune raison n'apparence, de doubter de la verité du corps & du sang de Iesus-Christ au S. Sacrement, veu que par la confession de Iesus-Christ & de nostre foy, sa chair est la viande, & son sang est le bruuage. Ceux là donc seulement en doubtent qui nient

Sainct Basile le Grand au traicté du baptesme,

Iesus-Christ estre vray Dieu. S. Basile parle ainsi du sainct Sacrement de l'autel. Il fault que tout homme qui vient recepuoir le corps & sang de Iesus-Christ, en memoire & action de graces de sa passion & resurrection pour nous, non seulement soit pur & net de toute souillure & immundicité de corps & d'esprit, pour ne manger la chair, & boire le sang d'iceluy à son iugement & condamnation: mais il fault d'auantage, qu'euidemment il monstre & exprime la memoire de celuy qui est mort & ressuscté pour nous, en ce qu'il est mort à peché, au monde, & à sa propre chair & volonté, vivant à Dieu par nostre seigneur Iesus Christ. Sainct Gregoire de Nisse: A bon droict nous croyons en la cō

S. Gregoire de Nisse au sermō des diuins Sacrements,

secration le pain par la sanctification & operation de la parole de Dieu estre transformé & conuertu au vray corps du verbe &

filz de Dieu. Car le pain lequel mangeoit Iesus-Christ icy viuant, par puissance de nature estoit conuerti au corps de Iesus-Christ, lequel il auoit prins au ventre de la vierge: & tel pain estoit sanctifié par le verbe habitant dedans la chair, par lequel le pain qui estoit en tel corps a esté transsubstantié en diuine puissance. Cela se fait également en ce Sacrement, auquel non par comestion, mais par la parole de Dieu le pain est conuerti & transsubstantié au corps de Iesus-Christ, & ainsi pour l'union avec le verbe & diuinité a puissance de donner la vie. Saint Gregoire Nazianzene: O combien est grande la dignité des prestres, lesquelz offrent à Dieu vn sacrifice sans effusion de sang. Le mesme auteur. S'il n'y auoit des Euesques & superieurs, il n'y auroit point aussi de sacerdoce, ny de sacrifice. Saint Ambroise docteur de l'Eglise: Iacoit qu'au sacrement de l'autel les especes du pain & du vin soyent, toutes fois il n'y a rien autre chose apres la consecration, que la chair & le sang de Iesus-Christ. Et c'est ce qu'en deuons croire. Le mesme docteur: Iuques à la consecration du venerable sacrement de l'autel le prestre dict tout en son nō: mais quand il fault faire

*Probation
manifeste de
la transsub-
stantiation.*

*S. Gregoire
Nazianze-
ne es carmē
escriez, aux
Euesques.*

*S. Gregoire
Nazianze-
ne en l'rai-
son de l'office
de l'euesque.*

*S. Ambroise
docteur, de l'in-
carnation du
verbe.*

*Le mesme
docteur au
4. liure des
sacramens.
chap. 4.*

la consecration, alors le prestre ne dict rien en son nom, mais au nom de Iesus-Christ, de la parole duquel il vse. C'est donc la parole de Dieu, laquelle parfaict ce Sacrement. Voyre quelle parole de Dieu? celle certes par laquelle tout a esté faict de rien. Si donc la parole de Iesus a telle puissance, que par icelle les choses lesquelles n'estoient aucunement, ont eu commencement & estre, combien à plus forte raison la mesme parole de Dieu couertira en autre substance les choses lesquelles sont desia? Donc, pour resolution, ie dis que deuant la consecration, le corps de Iesus-Christ n'estoit souz les especes de pain & de vin, ou il est à la verité la consecration estant faicte. Le mesme auteur. En Iesus-Christ vne fois seulement a esté offerte l'oblation, laquelle peult sauuer eternellement. Que disons nous donc? Ne l'offrons nous pas tous les iours? Ouy: mais en recordation de sa mort: & c'est vne hostie & oblation seulement, & non plusieurs. Car Iesus-Christ vne fois seulement a esté offert: mais le sacrifice que faisons, est vne recordation de cestuy, lequel a faict Iesus-Christ, & est referé à iceluy, & est vn auec iceluy: pour ceste cause ce n'est que

*Le mesme
docteur sur
l'epistre de
S. Pol aux
Hebreux.*

*Manifeste
probation de
la presence
personnelle
de Iesus-
Christ au S.
Sacrement
de l'autel.*

DV CORPS DE IESVS-CHRIST. 23
vn seul & mesme sacrifice. Autrement fau
droit dire y auoir plusieurs Iesus-Christ, s
veu qu'en plusieurs lieux il est offert. Mais
il n'y a qu'un Iesus-Christ, tout entier en
tous lieux ou il est offert & sacrifié. Car
ainsi comme ce n'est qu'un corps lequel
est offert en plusieurs lieux, aussi ce n'est
qu'un sacrifice. C'est luy le vray Pôitise le-
quel a offert l'hostie par laquelle sommes
sanctifiez : & nous, nous offrons aussi la
mesme hostie, laquelle alors il a offert, la-
quelle n'est point cōsommée: ce que nous
faisons est en recordatiō de ce qu'il a faict.
Car il a dict: Faictes celà en commemora-
tion & recordatiō de moy. Sainct Iean Da
mascene. Comment se fera celà, dist la sa-
crée vierge à l'ange, car ie n'ay point com-
pagnie charnelle d'homme? l'ange luy a
respondu. Le sainct Esprit descendra en
toy, & la vertu du treshault & trespouissant
t'ennombrera. Donc pareillemēt si à pre-
sent tu demandes, comment est ce que le
pain est faict le corps de Iesus-Christ? ie te
respons. Le sainct Esprit en est l'autheur,
lequel faict les choses lesquelles ne pou-
uons ny dire, ny entendre. Mais pour dire
la verité, le pain & le vin sont transmuez
& transsubstantiez. Car Dieu s'accmmo-

S. Iean Da-
mascene au
quart liure
de la droicte
sej. c. 14.

*Probatio de
la cōuersion
des substāces
du pain &
du vin en la
chair &
sang de Je-
sus-Christ.*

dant à l'infirmité des hōmes, voyant qu'ilz
ont acoustumé manger le pain, & boire le
vin & eau, il a fait ces choses là, son corps
& son sang, cachant sa diuinité soubz les
especes & accidens de telles substances, à
celle fin que par les choses à nous naturel-
les & familiares, nous soyons ioinctz aux
choses supernaturelles. Car le corps veri-
tablement est conioinct à la diuinité: le-
quel corps n'a esté prins au ciel, mais au
vêtre de la vierge sainte. Donc, le pain &
le vin sont conuertis au corps & au sang
de Dieu. Si tu demandes comment cela se
peut faire, te suffise entendre que c'est par
la vertu & operation du saint Esprit, par
lequel le mesme corps a esté formé sans o-
peration de l'homme au ventre de la mere
de Dieu. Et de cela autre cognoissāce n'en
auons, sinon que la parole de Dieu est
vraye & efficace, avec toute puissance.
Quant est du moyen, il est inscrutable. Et
certes cela n'est point aussi facile à expri-
mer, comment naturellement le pain & le
vin sont conuertis & transsubstantiez au
corps & au sang de celuy qui boit & man-
ge, lequel n'acquiert point vn autre corps
outre cestuy lequel il auoit au parauant.
Ainsi en la consecration, le pain, le vin &
l'eau

l'eau lesquelz sont proposez par l'inuocation & venue du S. Esprit, supernaturellement sont cōuertiz au corps & sang de Iesus-Christ. Ce sacrement donc sert à ceux qui avec foy dignemēt le reçoient à la remission de leurs pechez, & à la vie eternelle, & sauuegarde tant au corps qu'à l'ame. Au cōtraire, ceux qui sans foy indignemēt le reçoient, encourent punition & supplice eternel, ainsi que la mort de Iesus Christ est moyen de la vie eternelle à ceux qui croient: mais aux infidelles & à ceux qui l'ont crucifié leur est occasion de supplice & peine eternelle.

S. Chrysostome. La sacrée oblation soit que S. Pierre, soit que S. Paul ou quelconque autre prestre l'offre, c'est la mesme, laquelle Iesus-Christ a donnée à ses disciples, laquelle aussi à present les prestres consacrent. Celle de nostre temps n'a rien moins que celle laquelle a consacré Iesus-Christ. Et pourquoy? par ce que ne sont pas les hommes qui la sanctifient, mais Iesus-Christ, qui auoit consacré l'autre. Car cōme à present les prestres en la consecration proferent les mesmes paroles lesquelles alors pronōça Iesus-Christ, aussi c'est la mesme oblation & hostie: & qui ignore celle de

S. Jean Chrysostome en la seconde omelie sur la seconde epistre de S. Pol à Timothée.

nostre temps estre mesme avec l'autre, il ignore estre Iesus-Christ, lequel en la consecration est present & opere. Le mesme autheur. Nous sommes nourris de la chose laquelle les anges regardans, tremblent. Qui est ce qui exprimera la puissance de Dieu & ses louenges? Qui est le pasteur lequel iamaïs ayt nourri ses ouailles de sa chair & membres? Plusieurs meres baillét leurs enfans à autres pour estre nourris, ce que Iesus-Christ n'a voulu faire, mais il nous nourrist de son propre corps, par ce moyen nous conioignant & congelinant à soy. Le mesme autheur: Ce n'est pas l'hōme qui en la consecration faict le corps de Iesus-Christ, mais celuy lequel a esté crucifié pour nous Iesus-Christ. Le prestre profere les paroles, mais par la vertu & grace de Dieu, la consecration est parfaicte. Il a dict, Celá est mon corps, & en la vertu de telles paroles, les choses proposées sont consacrées comme ceste voix lá, laquelle dict, Croissez & soyez multipliez & remplissez la terre, a esté dicté vne fois tant seulement, mais en tout réps elle produict son effect, la matiere estant disposée à generation. Aussi pareillement ceste voix lá (celá est mon corps) a esté dicté vne fois seulement,

*S. Iean Chri
sostome sur
S. Math.
Ornelie 83.*

*S. Iean Chri
sostome en
l'omelie de
la trahison
de Iudas.*

*Notez ceste
similitude.*

ment, mais par tous les autelz de Chrestien-
té iusques à present, & iusques à la cōsom-
mation du monde, elle donne fermeté &
efficace au sacrifice. Saint Hierosme.

Oyons & entendons que le pain, lequel le
Seigneur a rompu & donné à ses disciples,
est le corps de nostre sauueur, luy-mesme

*S. Hierosme
en la seconde
question à
Hedibae.*

le disant en ces paroles: Prenez, & mâgez,
celá est mon corps, & puis apres, Beuuez
tous de celá: celá est mon sang du nouueau
testament, lequel sera espandu pour plu-
sieurs. Moyse ne nous a pas donné le vray
pain, mais nostre seigneur Iesus-Christ, le-
quel est le conuiue & le conuiuateur: car il
mange & est mangé. Nous buuons son
sang, & sans iceluy ne pouuons boire, &
tous les iours es sacrifices nous buuons le
vray vin du Royaume du Pere.

Saint Augustin parle ainsi du saint Sa-
crement de l'autel: Ce pendant que nous
sommes estrangers & pelerins en ce monde,
nous sommes nourris du corps & sang de
Iesus Christ, cōme il a baillé ce mystere à
ses apostres, en la dernière cene deuant sa
mort, & par iceux a fait cōmādemēt à no-
us qui les suyuoís, de le prendre & frequenter.

*S. Augu-
stin au ser-
mon du corps
de Iesus-
Christ, le-
quel se com-
mence Intro-
itum.*

Il fault donc adiouster foy aux paroles
de Iesus-Christ, par lesquelles il dict, Ma

chair est à la verité la viande, & mon sang est à la verité le bruuage: Que pareillemēt telle foy soit en nous, par laquelle nous croyons fermemēt, qu'au S. Sacrement est le vray corps de Iesus-Christ, en sa substance & verité, & non en qualité & figure seulement, à celle fin que ce que la verité testifie estre totalement vray & substantiel, nostre falace & ignorance ne le pense faux, ou en figure & representation seulement.

*S. Augu.
fin au ser-
mō des Neophytes.*

Le mesme autheur. Prenez cela souz l'espece du pain, qui a pendu en la croix: prenez cela dedans le calice, qui a esté espandu du costé de Iesus-Christ: car cestuy là mourra & ne viura point, qui dira Iesus-Christ estre mensonger.

*S. Augu.
fin sur S.
Iean, traicté 27.*

Le mesme autheur. Ne mangeons pas la chair & le sang de Iesus-Christ au Sacrement seulement, ce que font les mauuais: mais mangeons & buuōs iusques à la participation de l'esprit, à celle fin que demourons cōme mēbres en son corps, & soyons vegetez & nourris de son Esprit.

*S. Augu.
fin au liure
des saluaires
enseignemens.*

Le mesme Autheur. Vn chascun selon le commandement de l'Apostre se preuue au parauāt qu'il reçoie le corps & le sang de nostre Seigneur Iesus-Christ, car quand

nous le deuons prédre, nous deuons nous confesser, & faire penitence, & diligemment examiner toutes & chacunes noz actions en particulier, pour ietter hors nous ce que sentirons estre souilleure de peché, par confession, & vraye penitence, de peur que celant le diable en nous, par pechez perissions, avec le traistre Iudas.

Le mesme auteur. S'il y a question & doute, si Iesus-Christ est au saint Sacrement, en figure ou en verité, la resolution en a esté baillée par Iesus-Christ, lequel dict: Ma chair à la verité est la viande, & mon sang à la verité est le bruuage, autrement que voudroit dire cela: Le pain lequel ie donneray, c'est ma chair pour la vie du monde, si la vraye chair n'y est? Mais par ce qu'il ne fault penser qu'il faille deschirer le corps de Iesus-Christ avec les dens, Dieu tout puissant a voulu ce pain & vin coelestes, qui sont à la verité sa chair & son sang, estre miraculeusement créez & cōsacrez par le saint Esprit: & estre tous les iours mystiquement sacrifiez & immolez por la vie du monde: à celle fin que comme par le saint Esprit, sans operation de l'homme, la

S. Augustin: Et est enregistré au traicté de la consecration, distinction seconde.

En S. Jean 6. chap.

vraye chair de Iesus-Christ a esté engendrée, ainsi par le mesme saint Esprit, le mesme corps de Iesus-Christ soit miraculeusement consacré, de la substance du pain & du vin. En ce saint Sacrement il y a verité & figure. Verité, en tant que le vray corps & sang de Iesus-Christ, par la vertu du S. Esprit, & de la sienne, sont faictz de la substance du pain & du vin, la figure est ce qu'exterieurement est aperceu.

S. Cirile avec les autres peres au concile d'Epheſe.

Saint Cirile. Le precieux corps de Iesus-Christ est la vraye viande, donnât immortalité & la vie eternelle : & le sang d'iceluy est le vray bruuage, par lequel la mort est totalement destruite. Car ce n'est pas simplement le sang d'un homme, mais de cestuy, lequel estant conioinct à la vie naturelle, qui est la diuinité, nous est faict vie. Pour ceste cause nous sômes le corps, & les membres de Iesus-Christ, par ce qu'en ce saint Sacrement nous receuons le filz de Dieu.

S. Primaſe es commentaires sur la premiere epistre de S. Paul aux Corinthiens.

S. Primaſe. Cestuy là est doublement coupable, lequel indignement reçoit le S. Sacrement de l'autel : ſçauoir est, & pour son peché, & pour l'vsurpation : ne discernant point le corps du Seigneur, c'est à dire, ainsi le prenant comme vne autre viande.

Saint

*S. Maxence
au ſecond li-
ure contre
Nestorius.*

Sainct Maxence. Le pain lequel toute l'Eglise participe & reçoit en memoire de la paſſion de Ieſus-Chriſt, eſt le vray corps d'iceluy. Voyla ce me ſemble, belle armonie & conſentement de la verité du corps & ſang de Ieſus-Chriſt au ſainct Sacrement de l'autel, entre tous les ſaincts Docteurs, de tout temps en l'Eglise vniuerſelle: contre leſquelz qui ſera tant facile à abuſer, & laiſſer la verité, de croire aux ſeduc-teurs, impies & ignorans de noſtre temps, leſquelz ayans perdu la droicte foy, ne con-gnoiſſent ny Dieu, ny ſes ſacrez miſteres? Mais pourſuyuons à apporter les teſmoi-gnages publics de la verité de ce ſainct Sacrement, dictz & eſcripts par les ſaincts Docteurs, qui ont eſté receuz en l'Eglise de Ieſus-Chriſt de tout temps.

Sainct Gregoire. Nous deuõs de tout noſtre cœur contēner ce preſent monde tranſitoire, immolans tous les iours les Hoſties de la chair & du ſang de Ieſus-Chriſt. Car ce ſacrifice nous deliure de la mort eter-nelle, nous faiſant participans de la mort du filz de Dieu, lequel iaçoit qu'il ſoit reſ-ſuſcitē, & qu'il ne meure plus, toutesſois viuant en ſoy, avec immortalité & incor-ruption, eſt de rechef immolé & ſacrifié

*S. Gregoire
Docteur de
l'Eglise, au
4. liure des
dialogues,
cha. 58.*

*Que deman-
derez vous
plu cler pour
la verité du
corps et sang
de Iesus-
Christ au S.
Sacramēt de
l'autel?
Le venera-
ble Bede en
l'homelie du
iour des oſta-
ves de l'Epi-
phanie,*

pour nous, au ſainct miſtere de la ſacrée o-
blation de la Meſſe. Sō propre ſang eſt re-
ceu, ſa chair eſt donnée & communiquée
au peuple pour ſon ſalut, ſon ſang eſt eſpā
du, non pas entre les mains des infidelles:
mais dedans les bouches des Chreſtiens.

Le venerable Bede. Ieſus-Chriſt nous la-
ue tous les iours de noz pechez, quand la
memoire de ſon heureuſe paſſion eſt repe-
tée à l'autel en la Meſſe, auquel tēps la crea-
ture de pain & de vin, par l'ineffable ſan-
ctificatiō du S. Eſprit eſt cōuertie au corps
& ſang d'iceluy: & ainſi le corps & ſang
d'iceluy ne ſont plus mutilez & deſchirez
par les mains des infideles, mais ſont prins
de la bouche des fideles pour leur ſalut.

*Paschalis
en la cōſecra-
tion, diſtin-
ctiō ſecōde.*

Paschalis. Par ce que tous les iours nous
pechons, tous les iours miſticquement Ie-
ſus-Chriſt eſt immolé pour nous, & la paſ-
ſion d'iceluy eſt repetée en miſtere: à celle
fin que luy, qui vne fois mourant a ſurmō-
té la mort, tous les iours par le moyen de
l'oblatiō de ſon corps, & de ſon ſang, nous
remette noz pechez eſquelz recidiuons.

*Haymo ex-
poſant l'an-
cieſne cha-
pitre de la
premiere
aux Corin-
thiens.*

Haymo. Cōme la chair de Ieſus-Chriſt,
laquelle il a prins dedans le ventre de la
glorieuſe vierge, eſt ſon vray corps, lequel
a eſté mis à mort pour noſtre ſalut, ainſi le

pain

pain lequel Iesus-Christ a ordonné & baillé à ses disciples, & laissé à tous les predestinez pour la vie éternelle, lequel tous les iours les prestres consacrent en l'Eglise, avec la vertu de la diuinité, laquelle réplist & viuifie ce pain, est le vray corps de Iesus Christ: en sorte que ne sont point deux corps, la chair laquelle il a prinse au ventre virginal & ce pain: mais font & sont vn vray corps de Iesus-Christ, en sorte que quand ce pain sacramentel est rompu & mangé, Iesus-Christ est sacrifié & mangé, demeurant toutesfois viuant & entier. Et comme il a offert son corps en la croix pour estre immolé pour nostre salut & redemption: ainsi tous les iours ce pain mystique est offert à Dieu pour nostre salut & redemption: lequel iacoit qu'il semble estre pain, c'est toutesfois le vray corps de Iesus-Christ. Car nostre Seigneur ayant esgard à nostre fragilité, nous cognoissant fragiles & prompts à pecher, nous a baillé ce Sacrement, à celle fin que veu qu'il ne peult plus mourir, & nous pechons tous les iours, nous ayons vn vray sacrifice, par lequel soyons purgez & nettoyez. Pour ceste cause, par ce que tel pain & corps de Iesus-Christ, ne sont & ne font

DE LA MANDUCATION

qu'un corps, & sont offerts pour nostre redemption, Iesus-Christ a dict, Voyla mon corps, lequel sera offert pour vous.

*Theophila-
cte sur saint
Matth. c. 26.*

Theophilacte. Iesus-Christ disant, Cela est mon corps, a monstre & declaire que le pain lequel est consacré à l'autel, n'est point vne figure & representatiō, mais son vray corps. Car il n'a pas dict, Cela est figure: mais il a dict, cela est mon corps. Car par vne trāsformation & transsubstantiation ineffable, le pain est conuerti: laçoit qu'il semble qu'il demeure pain en sa substance: ce qu'est ainsi fait, par ce que sommes infirmes, & auons horreur de manger la chair crue, pour ceste cause il semble à l'œil & au goust, que soit pain: mais c'est la vraye chair de Iesus-Christ.

*Notex, ces
paroles bien
claires pour
prouuer la
trāssubstan-
tiation.*

*Remigius
Euesque ex-
posant le ca-
non de la S.
Messe.*

Remigius Euesque. Si au saint Sacremēt de l'autel, le vray corps de Iesus-Christ est contenu, pourquoy est il appellé mystere? par-ce qu'apres la cōsecration autre chose y est, & autre chose est veüe. Car on voyt du pain & du vin, mais à la verité il n'y a substāce q̄ la chair & sang de Iesus-Christ, avec son ame & diuinité. Dieu donc cōpartissant à nostre infirmité, par ce que n'auons accoustumé de manger la chair crue, & boire du sang, il faict qu'en ce saint Sacrement

DV CORPS DE IESVS CHRIST. 29

crement les accidets, & especes du pain & du vin demeurent, mais à la verité y est le corps & le sang de Iesus-Christ: cōme luy-mesme l'a dict: Ma chair à la verité est la viande, & mô sang à la verité est le bruuage.

D. Algerus. A la verité le verbe est faict chair, & le pain est faict la mesme chair, mais la maniere est bien diuerse. Car le verbe est faict chair, & naist chair de la chair, vnissant la chair à soy sans estre mué en la chair, estant tellement faict ce qu'il n'estoit point, qu'il ne delaisse estre ce qu'il estoit. Mais le pain lequel est fait la mesme chair, n'est poit nay chair, ny n'est vni à la chair, mais est transsubstantié & conuertí en la chair, estant tellement faict ce qu'il n'estoit point, qu'il delaisse estre ce qu'il estoit au parauant. Ce que nous donne grande esperance d'estre conioincts à Iesus-Christ, nous qui sommes raisonnables, veu que la nature irraisonnable est transformée en iceluy: si toutesfois nous delaissons estre ce que mauuaisement estions pour estre bien en Iesus-Christ. Le mesme auteur. Il ne fault dire ny penser, qu'en l'autel Iesus-Christ prenne la forme & espece de pain, comme dedans le ventre virginal il a prins l'espece & forme de chair. Car au vé-

*Algerus au premier li-
ure du Sacra-
ment du corps
de Iesus-
Christ, c. 9.*

*Au mesme
lieu.*

tre de la vierge, il a prins la forme & espece avec la substance, mais en l'autel la forme ou espece de pain, duquel la substance ne demeure, mais est totalement changée. Pourquoy quād il est appellé pain ou vin, on vse des appellations des choses lesquelles ont lá esté, & n'y sont plus. Car l'escrip- ture appelle le corps de Iesus-Christ en ce saint Sacrement, pain, non substantiel- lement mais mysticquement, & par figure: ou par ce qu'il est fait & cōsacré par le moyé du pain, ou bien par ce qu'au sens il appa- roist pain, retenāt ses qualitez & accidens: ou bien par ce qu'il nourrit l'ame spiri- tuellement cōme le pain materiel le corps.

*S. Ansel-
me, au liure
des mysteres
de l'Eglise,
contre Berē-
garius.*

Saint Anselme. Par la benediction & consecration, le pain est fait le corps de Iesus-Christ, non seulement en figure & signification, mais realement & substan- tiellement. Car en ce sacrement ne reiet- tons du tout la figure, & ne receuons aussi la seule figure, la verité y est, car le corps de Iesus-Christ y est, la figure aussi y est: car cela est immolé & sacrifié qui est immor- tel. Il fault donc tenir ce que la foy catho- lique croit, c'est que le pain lequel est mi- nistré au prestre pour faire la cōsecration, apres icelle consecration faicte par le pre- stre,

stre, est fait le vray corps de Iesus Christ, non seulement en signification, mais en substance & verité.

Rupert. Comme veritablement nous confessons la chair, laquelle la vierge Marie a enfanté, estre Dieu à cause de l'union personnelle de la diuinité & de la chair: ainsi veritablemēt & catholicquemēt no^s confessons le pain visible, leq^l la diuinité inuisible trāsmue en sa chair, estre le vray corps de Iesus-Christ. Pour ceste cause, nous croyōs sans aucun doute, ostāt toute obscurité des figures & similitudes que nous māgeons au S. Sacremēt de l'autel, le corps de Iesus-Christ: non pas le mistiq^{ue} qui est son Eglise, mais le vray lequel est mort pour nous: semblablement que nous beuons le mesme sang, lequel a esté respādu pour la remission de nōz pechez. Ce que nous faisons suiuant le cōmādemēt de Iesus-Christ, pour memoire & recordation de luy.

Saint Bernard. Ce n'est pas moy, mais vostre pere celeste, lequel vous dōne pour vostre nourriture le pain viuant du Ciel: Lequel pere vous nourrist de ses œuures, de sa parole, & aussi de la chair de son filz, laquelle est la vraye viande.

*Rupert au
s. liure des
diuins offi-
ces, c. 5.*

*S. Bernard
au premier
sermon de
saints.*

Le mesme Autheur. Le preparatif de

*S. Bernard
au 2. sermons
de la cene de
Iesus-christ.*

ceste table, n'est pas de l'homme, mais de la Foy, non de nourriture tēporelle, mais eternelle. Moy (dict Iesus-Christ) qui suis collateur du don, suis aussi le tēsmoing de la verité d'iceluy. L'autel auquel tu assistes, represente la Croix, en laquelle j'ay enduré pour toy: le calice, le sepulchre auquel j'ay esté mis apres ma mort: la pateine, la pierre du sepulchre: le corporalier, le suaire: les autres linges, les drapseequelz ay esté enseuely: l'Hostie laquelle tu vois, n'est plus pain, mais ma chair, laquelle a pendu en Croix pour la vie du mōde. C'est la vie de l'ame & non du ventre. Voila des choses (mes freres) qui demandent la Foy, & n'admettent aucune raison. Pourquoy il fault croire cela simplement, qui ne peut estre cherché & espeluché curieusement sans danger. Pourquoy ne demâdez point cōment cela se faict, ne le prenez pas avec irreuerēce de peur qu'il vous soit la mort: car c'est Dieu lequel a mué & conuertiy le pain en sa chair, & en porte tēsmoignage luy-mesme. Pourquoy S. Paul menace de mort eternelle, ceux qui prennent ce Sacrement irreueremment, comme est aux culpables du corps & du sang de Iesus-Christ.

Innocent 1. Pape. Moy qui desire auoir la vie eternelle, à la verité ie m'age la chair, & à la verité ie boy le sang de Iesus-Christ. Je dy la chair, laquelle il a prinse au ventre de la vierge, & le sang lequel il a respandu en la Croix. Donc, ie croy de cœur & confessé de bouche, qu'en ce saint Sacremēt, ie mange & reçois nostre seigneur Iesus-Christ, ce que ie dy estant fondé sur son autorité, en laquelle il dict: Qui me mange il vit pour l'amour de moy. Or quand il est mangé il n'est pas diuisé par parties, & n'est point deschiré au sacrement en la maniere de la chair laquelle est vendüe en la boucherie: mais il est receu sans blessure, & est mangé tout entier.

S. Thomas d'Aquin. Il fault scauoir q̄ tout chāt le sacremēt de la S. Eucharistie, la foy de l'Eglise croit la substāce du paī estre cōuertie en la substance de la chair de Iesus-Christ: & la substāce du vin en la substāce du sang d'iceluy: & cela par la vertu & force des parolles, par lesquelles est parfaict ce S. Sacremēt: mais par cōcomitāce soubz chascune des deux especes est Iesus-Christ tout entier, c'est assauoir le corps, l'ame & la diuinité d'iceluy. Et faut scauoir que tel le transsubstātiatiō, c'est à dire conuersion

*Innocēt Pa
pe 1. au liure
de l'office de
la M. S.*

*S. Thomas
d'Aquin es
opusculs ou
si traitē de
venerabilis
sacramēt de
l'autel, ca. 2.*

du pain au corps & chair de Iesus-Christ,
 est faicte à l'instant de la termination &
 fin de la prolation des paroles sacramen-
 telles ordonnées par Iesus-Christ: c'est as-
 sauoir, cela est mon corps: moyennant que
 cestuy qui profere telles paroles soit pre-
 stre, & ayt matiere legitime qui est le pain
 de froment, avec intention de faire ce que
 fait l'Eglise. Ainsi fault entendre touchât
 la conuersion du vin au sang de Iesus-
 Christ, laquelle conuersion doit estre
 prinse & entendue touchant la substan-
 ce, pourquoy proprement est appellée
 transsubstantiation. Or iagoit que telle
 conuersion soit grandement miraculeu-
 se, toutessfois ne la iugerons impossible, si
 voulons cōsiderer le semblable auoir esté
 faict par la puissance de Dieu, comment
 l'escripture testifie de la conuersion de la
 femme de Loth en vne statue de sel, à cau-
 se qu'elle auoit regardé arriere: de la ver-
 ge de Moyse conuertie en vn serpent, &
 depuis en verge: de l'eau conuertie par
 Iesus-Christ en vin, & autres semblables
 conuersions substantielles, lesquelles nous
 recite l'escripture saincte. Nous voyons pa-
 reillement telles conuersions d'une substā-
 ce en autre estre faictes par la puissance de
 nature

nature. Car le pain lequel mange l'homme est conuerti par la puissance de nature en la chair d'iceluy: semblablement le vin lequel il boit, est substantiellement conuerti au sang d'iceluy: ce qu'est commun tant aux hommes que aux bestes, que ce qu'ilz mangent & boient soit cōuert en leur chair & en leur sang.

Voila certes des auctoritez & raisons pour la verité du corps & sang de Iesus-Christ au saint Sacrement de l'autel, lesquelles sont suffisantes pour confermer les chrestiens en la vraye foy du saint Sacrement, pour retirer ceux qui errent estans esbranlez par les cauillations & raisons naturelles, sensuelles, & sophistiques des heretiques: finablement pour refuter & confondre tous les heretiques sacramentaires. Car nous auons produict textes de la parole de Dieu assez expres pour la confirmation du vray corps de Iesus-Christ au saint Sacrement de l'eucharistie: nous auons adiousté la sentence de l'Eglise vniuerselle, & pratique de tout temps obseruée en icelle, & pour la fin auons recité & allegué fidelement les sentences & opinions des principaux chrestiens, tant en sçauoir qu'en bonté & vertu,

de pain & de vin: le bié & grace que nous recepuons de luy par le moyé de ce saint Sacrement, & l'honneur & reuerence que debuons luy porter en iceluy sacrement: lesquelles choses declarerons briefuemér, à cause que desia elles sont assez cogneues par les auctoritez des saints docteurs alleguées en ce qu'est dict. Seulement donc en ferons comme vne recollection claire & facile. Premièrement faut entendre que la cause pour laquelle Iesus-Christ a institué ce saint Sacrement, se laissant tout entier en iceluy, est nostre nourriture spirituelle, laquelle ne pouuons auoir d'ailleurs que de ce saint Sacrement: c'est la remission & expiation de noz pechez, avec collation de grace: c'est finablement la vie spirituelle laquelle selon l'ordonnance de Dieu aucun homme ne peut auoir sans la sumption, & manducatió de la chair & sang de Iesus-Christ, sous les especes en ce sacrement: sans la sumption dis-ie ou realement & sacramentellement faicte, ou bien en veu & desir: j'entens en desir & veu propre, si la personne a vsage de raison, ou bien au veu & desir de l'Eglise Catholique, si la personne n'a vsage de raison, comme sont les peus

enfans pour lesquelz l'Eglise supplie le
 veu & desir, comme tutrice d'iceux. Soit
 donc tout resolu que sans la manducation
 de ce pain celeste, lequel est cōtenu & mā-
 gé au saint Sacrement de l'autel, il est im-
 possible d'auoir la grace de Dieu, & par
 consequent d'estre sauué. Car la vie spiri-
 tuelle n'est effectiuement que de ce saint
 Sacrement, c'est à dire des choses conte-
 nues en iceluy, qui sont la chair, le sang, l'a-
 me de Iesus-Christ, & toute la diuinité. La-
 çoit donc que la foy soit requise premie-
 rement pour nous disposer à la vie spiri-
 tuelle, & à iustification: toutefois nous ne
 sommes iustifiez, ne ne viuós en noz ames
 par icelle effectiuement: mesmes tous les
 autres Sacremens recoyuent la vertu de
 causer remission des pechez & iustifica-
 tion de l'oblation & hostie de la passion
 de Iesus-Christ: laquelle est en ce saint Sa-
 crement: c'est pourquoy Iesus-Christ
 disoit. Si vous ne mangez ma chair, vous
 n'aurez point la vie: de ce la raison est
 que Iesus-Christ seul par son humanité,
 laquelle nous est baillée en ce Sacrement,
 est nostre moyeneur de la vie eternelle
 selon l'ordonnance de Dieu, lequel eter-
 nellement l'a predestiné pour estre moyé
 de

de salut & de vie à tous ceux qui croiront en iceluy, & receuront pour leur nourriture spirituelle s^{on} corps & s^{on} s^{an}g: lequel pour ceste cause il appelle le pain vi^u, lequel est descendu du Ciel, & donne la vie au monde: disant que quiconque mange ce pain ne mourra point, mais viura eternellement. Car c'est le pain viuifiant, par lequel noz ames sont nourries en la vraye immortalité, & vie heureuse. Car comme par le baptesme, moyennant la foy & la parole de Dieu, nous sommes regene^{rez}, nous sommes introduits en l'Eglise, & sommes adoptez & receuz au nombre des enfans de Dieu par la grace & bonté d'iceluy, ainsi apres le baptesme sommes nourris, entretenuz & conseruez en la vie spirituelle, par la mesme grace & charité de nostre Dieu, lequel nous nourrist du vray & naturel corps & sang de Iesus-Christ son filz, lequel nous en assure, disant ainsi: Moys^e ne vous a pas doné le vray pain, mais c'est mon pere lequel vous donne le vray pain celeste & viuant. Or voicy le grand frui^{ct} lequel nous perceuons en ceste sainte Cene: C'est que nous veritablement receuons Iesus-Christ tout entier, lequel est la vi^{an}de & vie de noz ames,

En S. Iean
6. chap.

pour les nourrir & en toute consolation
 & ioye les faire viure eternellemēt, les ioi-
 gnant, & incorporant avec soy par le bien
 de charité & dilection, laquelle faict que
 soyons contens & assouuiz, estans con-
 ioinctz à Iesus-Christ, & faicts participās
 de son merite & gloire par le moyen de
 la sumption de ce saint Sacrement, par le-
 quel sommes renouuellez en immortalité,
 receuans certain gaige & arre de la vie
 eternelle, si voulons garder la conionctiō
 par laquelle sommes ioinctz à Iesus-Christ
 par la reception de sa chair & de son sang.
 En ce saint Sacrement donc, receuons Ie-
 sus-Christ pour nous vne fois sacrifié, &
 en le receuant sauourons & sentons le
 merite & efficace de sa passion, & con-
 ceuons esperance certaine de la vie eter-
 nelle. Car nous croyons que sommes re-
 conciliez à nostre Dieu, & auons remis-
 sion de noz pechez avec iustification &
 grace, de laquelle esperons estre sauuez,
 par ce que sommes membres du corps,
 duquel Iesus-Christ est le chef. Lequel Ie-
 sus-Christ nostre createur & redempteur
 a faict noz debtes siēnes, respondant pour
 nous deuant la iustice diuine, à laquelle, fai-
 sant nostre cause sienne, a satisfait entie-
 rement

rement pour tous noz pechez, & nous a merité la vie & gloire éternelle, si croyans en luy avec toute obeissance & charité, luy seruons & fructifions en toute saincteté & iustice tout le temps de nostre vie, comme luy faisons promesse au baptesme, deuant que luy estre incorporez & conioincts par grace. Lesquelles toutes choses predites nous prouiennent de la grace & misericorde de Dieu. Premièrement comme de la premiere source & origine de tout. Secondement aussi de Iesus-Christ, lequel ayant prins humanité pour nous & nostre salut, en icelle a enduré pour nous, & pour la satisfaction de noz pechez, iusques à mourir ignominieusement en la Croix, espendant volontairement & charitablement son precieux sâg, pour nous deliurer de la subiection de peché, de la mort & de satan, & nous recôcilier à Dieu, nous meritant par telle mort & passion remission de noz pechez, la grace de Dieu, & la vie éternelle.

Voila le but & scope de toute l'escrip-
ture, de la loy, des prophetes, & de l'E-
uangile, c'est Iesus-Christ pour nous cru-
cifié, lequel est nostre salut, redemption, &
iustification, nostre mediateur vnique, le-
quel a reconcilié tous les hommes genera-

lement à Dieu, mourant pour la deliurance, iustification & salut de tous avec toute suffisance, satisfaisant à la iustice de Dieu pour les pechez de tout le monde. Leq
 benefice de peur qu'oubliôs, & qu'ailleurs
 fondiôs nostre salut, il s'est laissé luy-mes-
 mes en son propre corps, auquel il a endu-
 ré pour nous, à ceile fin que mieux nous
 en souuienne, & qu'en nous en souuenant
 conceuions esperance de salut, remission
 des pechez, & grace vers Dieu, par le meri-
 te de sa passion, en memoire & recordatiô
 de laquelle il a institué peu deuât sa mort
 (afin qu'en eussions plus fresche memoire,
 comme d'une chose recommandée à
 la fin) la sainte Cene, le saint Sacrement
 de l'autel : donnant commandement à
 tous qui veulent estre sauuez par le meri-
 te de sa passion, de celebrer & faire ceste
 sainte Cene en memoire & recordation
 de luy, & de sa passion tât grande & igno-
 minieuse, laquelle non pour luy & ses pe-
 chez, mais pour nous & les nostres il a en-
 duré: car côme dit saint Paul, toutesfois q
 nous faisons la sainte Cene mangeant le
 corps & buuant le sang de Iesus-Christ au
 saint Sacrement de l'autel soubz les especes,
 nous ramentuons & reduisons en me-
 moire

moire la mort de nostre Seigneur , ce que doit estre fait & continué iusques à ce que le voyons face à face, & qu'il viéne au iugement dernier. Et ce non sans grâde raison. Car receuans ce saint Sacrement nous pensons ou nous sômes fondez pour esperer la vie éternelle, & en conceuons esperance certaine, refrechissant la memoire de l'alliâce, laquelle il a faite avec nous au temps de l'Euangile, qui est que tous qui croyront en luy, & l'inuoqueront en iustice & sainteté, seront sauuez par le moyen & acces lequel il nous baille vers Dieu son Pere, lequel il nous rend paisible, amy & Pere, par ce que luy tant aymé de son Pere a fait nostre cause sienne, & a satisfait & merité pour nous, lequel testament & alliance il a cōfermé par sa mort, le scellant de son propre sang, lequel sang, scel indubitable de ceste alliance du nouveau testament, laquelle est de remission de peché, & de la vie éternelle par Iesus-Christ à tous qui croient en luy en l'inuoquant en sainteté, il nous a laissé pour la confirmation de nostre Foy, touchant la remission des pechez par iceluy, & la iustification par la grace de Dieu & son mérite : aussi pour esperance certaine de la

vie eternelle, laquelle Dieu ne sçauroit denier ny refuser à tous ceux qui croient & esperent en Iesus Christ, luy obeissans en toute charité & sainteté. Car il en a fait la promesse de sa bonne volonté. Or il ne se peult nyer, il ne peult mentir, ne tromper. Combien donc est grád le bien lequel nous vient de la reception du saint Sacrement de l'autel? Pourquoi n'est il de nous plus souuent receu & frequenté? Car toutes les fois que receuõs ce saint Sacremēt, nous visitons les tiltres & lettres de la fondation de nostre salut, lesquelles nous assurent de la vie eternelle, laquelle Dieu nous promet dõner, supposée l'alliãce faite avec luy, laquelle est en ce que cognoissons & croyons en vn seul Dieu, & en Iesus-Christ son filz, avec toute charité & obeissance, pour laquelle auons la vie eternelle. Or telle alliance a esté confermée & scellée par le propre sang de Iesus-Christ, lequel est mort pour nostre reconciliation avec Dieu, & pour la confirmation de l'alliance nouuelle faite avec luy au temps de la grace del'Euangile. Donc le sang de Iesus-Christ est le scel de l'obligation gratuite & volontaire de nostre bon Dieu, par laquelle volontairement par sa grande

de misericorde il s'est obligé nous donner la vie éternelle, si croyons en Iesus-Christ son filz, mort pour nous, & luy obeissons, conformans autant que pourrons, nostre vie à la sienne. O les sacrez mysteres de ce saint Sacrement de l'autel. Enquoy a iamaïs nostre Dieu mieux monsté sa grace, sa misericorde, sa bonté & charité vers les hommes? Quel plus grand bien eust il peu faire aux hommes que soy communiquer luy-mesme en ce saint Sacrement? auquel nous donne ses grandes richesses par liberalitez & magnificences non royales, mais diuines: car en ce saint conuiue & Sacrement nous receuons tout honneur estans assis à la table de nostre Dieu, de nostre amy, de nostre pere, de nostre espous, lequel voulant en allegresse & tout plaisir contenter & assouir ses fidelles, se donne luy-mesme pour nourriture spirituelle & diuine, par le moyen de l'assumption de la sacrée humanité de Iesus-Christ, iointe à la diuinité. Pourquoy l'escriure admire tel honneur disant, que l'homme mange le pain des anges. Et au psalme 110. parlant de l'honneur que Dieu nous faict se donnant en ce saint Sacrement, est dict: Les oeures de Dieu sont grandes, & ex-

quises, & singulieres selon ses voluntez, mais il a fait l'oeuvre des oeuvres, & vne memoire de toutes ses merueilles, quand il s'est donné pour nourriture à ses fideles qui l'ayment & craignent, par lequel moyen sera à iamais memoratif de l'alliâce faite avec son Eglise. Aussi en ce saint Sacrement tout bien & vtilité est présentée aux esleuz de nostre Dieu. Car quel bien plus grand scauroit on demander, que d'auoir la remission de ses pechez? que de receuoir la grace & faueur de Dieu? que d'estre vny à la vie? par diuine Metamorphose estre changé de charnel & terrestre en spirituel & diuin, iusques à estre fait participant de la diuine bonté & nature? estre en seurté contre tous noz ennemys? la victoire desquelz nous obtenons par ce que sommes nais de Dieu, & demourons en la protection de sa puissance, estans ioincts à luy par l'assumption de la sacrée humanité de Iesus-Christ, laquelle nous receuons en ce saint Sacrement. Finablement en ce saint Sacrement receuons tout plaisir, toute suauité, toute volupté, & resiouissance. Pourquoy l'escripture l'appelle, le calice du Seigneur excellent, lequel enyure de plaisir & suauité spirituelle to^r qui digne-

ment le reçoüyent. Icy est donné le pain du ciel, la viande des Anges, lequel l'escripture dict estre préparé sans nostre labeur, ayant en soy toute delectation & douceur de toute saueur, seruant à la volonté d'un chacun en toute ioye & plaisir. C'est icy que sont receuz & embrassez ces grands plaisirs & indicibles delices, desquelles est parlé es Cantiques des Cantiques, ou l'Eglise estant ioincte à son amy & espous Iesus-Christ (ce qu'est fait principalement en ce saint Sacrement) ne peult celer son amour & volupté, de laquelle elle est remplie & emprinse pour la delirée & tresioyeuse presence de son singulier amy Iesus-Christ. Car ou est le cōble de plaisir, ioye, & assouuissement en toute volupté? N'est-ce pas quand les personnes, lesquelles sans fainctise s'ayment, se tiennent, s'embrassent, & sont vnies ensemble, se voyant, parlant l'un à l'autre avec toute familiarité, & sans rien craindre ont iouyssance & fruition de leur vertueuse charité & amitié? Or ou sera trouuée plus grande amitié que celle laquelle Iesus-Christ nous a portée? Il est mort à cause d'icelle. Qui est aussi la chose laquelle le Chrestien & fidelle puisse plus, ou autant aymer que le-

fus-Christ son Dieu & createur? son redempteur & glorificateur, plein de toute grace, de toute perfection, de toute beauté, richesses, vertus, & sciéces? Il n'est iamais facheux, ny desplaisant, il n'est en rien domageable, mais doux & amiable, avec toute vtilité & hōneur. Pourquoy dict de luy l'escripture: Goustez, & vous cognoistrez combien nostre Dieu est suaue & amiable. Quel plaisir est ce donc au Chrestien ayment Iesus-Christ de tout son cœur & ame, estre vni & ioinct avec luy en son esprit, ou est la vraye amitié & le vray plaisir? Voyla pourquoy il s'est laissé en ce Sacrement, c'est pour nous donner iouissance de nostre amitié, laquelle auons en tout contentement par la fruition de luy-mesmes en ce saint Sacremēt. Ceulx qui beaucoup s'ayment, vouldroient tousiours se veoir, se tenir, & embrasser l'un l'autre, & (si possible estoit) n'auoir qu'un corps, cōme ilz n'ont qu'une ame en diuers corps par vnion & conformité de volonte. Ilz sont fort blesez & affligez, quand il fault qu'ilz soyent separez & departiz, & pour ne l'estre du tout, se laissent quelques dons mutuelz, pour en iceux prendre plaisir en l'absence des choses aynées, représentées

711
DV CORPS DE IESVS CHRIST. 39
partelz dons laissez à la departie. Or Iesus-
Christ nostre entierement bon amy, n'a
voulu que fussions tant fachez pour son
absence en son corps visible: Pourquoy
sest laissé luy-mesme en don & gaige de
nostre & sienne amitié. Mais il sest caché
afin que nostre amitié fust tousiours avec
plus grand desir, nous donnant toutesfoys
grâde iouissance & fruition de nostre mu-
tuelle amitié, laquelle contrainct ceux qui
sont vrais fideles & Chrestiens demander
souuent telle iouissance & fruition de leur
amy Iesus-Christ, laquelle ilz ont & par-
çoient en ce gaige, arre & marreau de la
fruition & ioye eternelle, le saint Sacre-
ment de l'autel, auquel prennent, embras-
sent & mangent par ferueur de foy & de
charité, Iesus-Christ leur Dieu & redem-
pteur, lequel totalement ilz aymēt & veu-
lent demourer avec luy à iamais, commē-
çant icy par le moyen de ce saint Sacre-
ment, leur ioye eternelle. Cela a faict qu'en
la primitiue Eglise tous les iours les Chre-
stiens receuoient le corps & sang de Iesus-
Christ en ce saint Sacrement, ce qui a con-
tinué en l'Eglise de Iesus-Christ iusques à
ce que la charité & amitié de Iesus-Christ
a esté diminuée par amour de foy-mesme,

& des choses charnelles & mondaines, cō-
 trairees à nostre amy Iesus-Christ, lequel
 est ialoux de nous, & veut que n'aymions
 que luy, ou bien choses à luy agreables: &
 encore veult qu'aymions telles choses
 pour l'amour de luy. Mais ou sommes
 nous à present de telle charité & amitié, la-
 quelle nous face & contraigne tant souuēt
 nous cōioindre à nostre amy Iesus-Christ
 par le moyen de ce saint sacrement? Or le
 temps n'en est plus: par ce que nous aymons
 nous mesme plus que Iesus-Christ, & som-
 mes Chrestiens, en la plus grāde partie, plus
 de nom, par acquit, & feintise, que synce-
 remēt & à la verité. Ce que faict qu'il fault
 quasi nous contraindre pour venir à ce
 point de receuoir Iesus-Christ, & luy estre
 ioinctz par ce saint Sacrement, c'est signe
 certes, bien euident que charité, foy & con-
 gnoissance de Iesus-Christ, & de ses graces
 & biēs vers nous, defaillent en nous. Nous
 sommes malades spirituellement & auons
 perdu le goust du pain viuant & celeste, &
 par le iuste iugement de Dieu plusieurs
 pour punition de leurs pechez, & pour les
 irreuerences faictes à Iesus-Christ en ce
 saint Sacrement, sont tōbez en telle igno-
 rance, cecité & impieté, qu'au lieu de ve-
 nerer,

DV CORPS DE IESVS CHRIST. 40

nerer, honorer & prendre pour leur salut Iesus-Christ en ce saint Sacrement, ilz le decognoissent & blasphemement, lesquels, certes, sont constituez en autant grâde misere & calamité, comme est grand l'heur de ceux qui en foy & charité dignemēt selon l'infirmité humaine & presentereçoient ce saint Sacrement. Or c'est ce que nous faut monstrier, mettant fin au present traicté. Car c'est ce que nous auons proposé au troisieme & dernier lieu de nostre proposition en la presente dispute. Pourquoy declarer, faut sçauoir premierement que comme ce saint Sacrement apporte tout bien, tout honneur, tout plaisir & felicité à ceux qui dignement le reçoient en l'Eglise de Iesus-Christ selon l'ordonnāce d'iceluy avec foy, esperāce & charité: ainsi ceux qui ne le reçoient, ny n'ont la foy d'iceluy, sont priuez de tout bien, tout honneur & tout plaisir spirituel, & demeurent subiects à la mort eternelle, n'ayans aucun espoir, ny moyen de salut. Ce qu'est expresse par la parole de Dieu, laquelle nous enseigne que tous ceux qui ne māgerōt la chair du filz de l'homme, & qui ne boyront son

gne par la figure de ce sainct Sacrement: L'aigneau paschal, lequel tous qui ne magerent suyuant le commandemēt de Dieu, & ne mirent le sang d'iceluy au dessus des portes de leurs maisons, furent puniz par l'ange exterminateur, selon la iustice de Dieu. Cela aussi monstre la manne, figure de ce sainct Sacrement, laquelle ceux qui contemnerent moururent es deserts. Quiconque donc ne croit le propre & naturel corps & sang de Iesus-Christ estre en verité & de faict au sainct Sacrement de l'autel pour la nourriture spirituelle & necessaire des Chrestiens, il est incredule à la parole de Dieu, il faict resistance au sainct Esprit directeur de l'Eglise, laquelle estant fondée sur la saincte escripture & autre reuelation de Dieu, a tousiours creu & commandé croire Iesus-Christ s'exhiber, se donner & estre en iceluy Sacrement: tel finablement est Antechrist repugnant apertement à Iesus-Christ, & à la parolle & institution d'iceluy. Car Iesus-Christ declare apertement que le propos & intention de son pere Dieu eternal est, homme n'auoir la vie eternelle sans la sumptio vraye, reale, & substantielle de sa chair & de son sang, selon qu'il a ordonné sous les especes

res sacramentelles au saint Sacrement de l'autel : ce qu'à tousiours esté creu , tenu & practiqué en l'Eglise de Iesus-Christ , par ceux qui ont esté approuuez de Dieu en leur vie & doctrine par les œuures miraculeuses qu'il a operé souuent par iceux.

Quiconque, donc, contemne le tressaint Sacrement de l'autel , il contemne & reiettel'Eglise catholique , laquelle quiconque n'oyt , doibt estre iugé & réputé infidelle, & non pas Chrestien, selon la sentence de Iesus-Christ. Tel n'a point remission de ses pechez, tel n'est point participant du merite de la passion de Iesus-Christ , & ne peult estre sauué par iceluy. Car il luy est desobeissant en ce qu'il a dit premieremēt par sa propre bouche , & puis souuent repeté par son Eglise & escripture, que quiconque ne mange la chair & ne boit son sang au saint Sacremēt, ainsi qu'il a institué & commandé, il ne peut auoir la vie. A quoy il s'enfuit qu'il demeure en pe-

les especes sacramentelles, & ainsi ne reçoit, & ne peult receuoir la grace de Dieu, laquelle ne pouuons auoir sans estre ioints à Iesus-Christ, par lequel tout bien nous vient de Dieu, & sans lequel ne pouuons auoir rien salutaire: il s'ensuyt aussi que tous qui reiettent le saint Sacrement de l'autel, sont precurseurs de l'Antechrist, & faux prophetes: car nous sommes aduertys par l'expresse parole de Dieu que l'Antechrist s'esleuera sur toute chose, laquelle est de diuinité, & ostera le continuel sacrifice, qui est le vray corps & sang de Iesus-Christ au saint Sacrement de l'autel, & en la sainte Messe. Telz malheureux heretiques & aucuglez sont aussi misérables, en ce qu'ilz repugnent à l'ordonnance de Dieu, lequel a proposé par ce moyen sauuer les hommes, ausquelz ilz font perdre la foy & droicte cognoissance du moyen de leur salut en ce saint Sacrement, & ainsi sont cause de leur damnation, & des blasphemies lesquelz font dictz contre nostre Dieu en ce saint Sacrement. Pour conclusion, ignorance, cécité, peché, iugement & ire de Dieu, tout malheur & infelicité, alliance avec Satan,

pour

pour blasphemer cōtre Dieu & son Eglise avec damnation eternelle, demeure selon l'expresse parole de Dieu, sur tous qui ne croient Iesus-Christ estre realement en son corps & en son sang au saint Sacrement, qui detournent les Chrestiens de la droicte foy dudit Sacrement, qui prononcent paroles de blaspheme contre iceluy, & qui indignement, c'est à dire, sans foy, sans charité, & sans examen de leur conscience, le reçoquent, ne faisant discretion, ny difference d'iceluy d'avec la viande & nourriture commune & visitée de ce corps corruptible & mortel: au contraire tout bien, tout heur, toute faueur & grace de Dieu, avec espoir de la vie eternelle, à ceux qui par foy, esperance & charité le reçoquent, suiuant le commandement de Dieu, avec la tradition & pratique de l'Eglise catholique & Apostolique.


Nous concluons donc ce present traicté de la verité du corps & sang de Iesus-Christ

de l'homme, Dieu de sa grace a preparé en
 ce saint Sacrement à ceulx qui l'ayment
 & adioustent foy à sa parole, & obeissent
 à son Eglise. Aussi en tout honneur & re-
 uerence adorons Iesus-Christ, Dieu &
 homme en ce saint Sacrement, veu qu'il
 est tant clair par l'expresse parole de
 Dieu, par la sentence de l'Eglise vniuer-
 selle, & par les tesmoignages des saintz
 fideles & esleuz de Dieu, lesquelz ont esté
 de tout temps en l'Eglise de Iesus-Christ,
 & ont esté approuuez & autorisez d'ice-
 luy par infiniz miracles que realement, &
 à la verité il y est tout entier, luy-mesme
 qui est au ciel, & a enduré pour nous en la
 Croix. Nous nous asseurons aussi de la
 gloire & vie eternelle par le moyen de la
 sumption de ce saint Sacrement selon
 l'ordonnance de Dieu & institution de
 Iesus-Christ, priât tousiours la bôté de no-
 stre tât bô & misericordieux Dieu & pere
 coeleste, ne nous punir point iusques là,
 pour le demerite (trop grand il faut con-
 fesser) de noz pechez, abus & ingratitude
 de ses benefices, & principalement de ce-
 stuy par lequel il se communique à nous
 tant amiablement & familièrement en ce
 saint

DV CORPS DE IESVS CHRIST. 43
 saint Sacrement, qu'il permette que tom-
 bions en sens reprouué, & perdions la foy
 & droicte cognoissance des moyens ne-
 cessaires & ordonnez pour nostre salut,
 comme ont faict ceux qui reiettet le saint
 Sacrement de l'autel, ne croyans Iesus-
 Christ y estre en son propre corps & sang:
 & ainsi ne daignent le receuoir, mais le
 blasphement incessammēt, lesquelz n'ont
 aucun moyen de salut, mais demeurent
 subiectz à Satan, à peché & à la mort eter-
 nelle.

A DIEU SOIT LOVENCE
 & benediction.

L iij



LA DIFFERENCE DE
IESVS CHRIST ET DE SES
Apostres & disciples, d'auec
le diable & les siens:
Par A. B.



POUR cognoistre la vraye Eglise catholique, espouse de Iesus-Christ, fault considrer que qui est de Dieu, faict oeures de Dieu, lequel (comme dict sainct Paul) a tant aimé son Eglise, qu'il a voulu endurer mort pour icelle, & n'est point venu pour destruyre, mais pour sauuer. Lequel trouuât les marchans au temple, n'a pas destruit le temple, ne cherché autre temple que le temple des Iuifs, comme luy-mesme à dit: l'ay tous les iours enseigné au temple & à la synagogue, ou tous les Iuifz s'assembloit: & n'ay rien dit en secret: il n'a point rompu les chandeliers, lampes, cherubins, arche, & autres choses estans au temple. Ses Apostres & Disciples semblablement, comme il est escript aux Actes ne sont point allez en cachettes és prez, bois, carrieres, faulxayes, ny

145
autres lieux prophanes, ayans l'espée au costé, la harquebouze sur l'espaule, le pistolet en main pour tuer ceux qui leur vouloyét cōtredire à diuulguer la doctrine de leur maistre Iesus·Christ: Mais sont allez aux tēples, & n'ont semblablemēt attēté ny essayé destruyre le tēple, ny aucune chose d'iceluy, ny dit chose quelconque contre:

Mais depuis que le diable, ennemy de Dieu est entré en Luter, Zuingle, Carlostad, Oecolampade, Calvin, & leurs adherens, à l'imitation de leur frere Iudas ont demoly temples, robé, volé, destruiēt, pillé, gasté, & emporté, tout ce qui estoit de beau au temple, comme Ieremie se complaignant a Dieu, dit: Ilz ont violé les filles religieuses, pillé ton temple saint &c. Et souz vmbre de quelques simulées aumosnes à leurs adherens: ilz fouillent le iardin de Dieu, le destruisent, & foulēt aux piedz tout ce qui y est de precieux: ilz font vœu a Dieu, se font religieux, mais ayāt mis la

leursdictz benefices & en fin les veulét de-
struire du tout. Par ces moyens est bon &
aisé à cognoistre qu'ilz ne sont imitateurs
de Iesus-Christ ne de son Eglise, mais du
diable leur pere: pource, qui voudra estre
des enfãs de Dieu & de son Eglise ne doit
ensuyure telles manieres de billons, qui ne
valét que pour le feu eternal, duquel Dieu
preserue les siens.

